

四庫全書

集部

欽定四庫全書

補注杜詩卷二十六

宋 黃希 原本

黃鶴 補注

寄董卿嘉榮十韻

廣德二年作

鶴曰詩云犬羊曾爛熳官闕尚蕭條當是廣德二年作公時在成都蓋是年春自閬

歸草堂而今詩云秋天憶射鵬

聞道君牙帳防秋近赤霄

洙曰曹子建關中詩高牙乃建牙大旗也兵家書牙旗將

軍之旗立於元帥帳前故謂之牙旗

補注

鶴曰唐志佛堂一百八十里至勃令驛鴻臚館至贊普牙帳赤

霄言三城之高也高適謂邈在窮山之巔是也

下臨千雪嶺

洙曰西山記曰上有積雪經夏不消

却背五繩橋

洙曰岷江湍急不可爲梁乃以竹橋駕虛而渡鄭曰即岷江笮橋

海內久

戎服

洙曰用兵日久

京師今晏朝

洙曰漢明帝論曰晏坐朝幽枉必達趙曰以前日用兵之

久而今日罷兵則可以晏朝也

犬羊曾爛熳

洙曰應劭曰鮮卑隔在漠北犬羊爲羣

官闕

尚蕭條

洙曰孫子荆書四海蕭條非復漢有趙曰以吐蕃爲患之久故前日嘗陷京師今尚蕭條

將宜嘗膽

洙曰李陵書猛將如雲越王勾踐反國苦身勞思置膽於坐坐卧即仰膽飲食亦嘗膽曰

汝忘會稽之恥耶趙曰猛將指董嘉榮也

龍泉必在腰

洙曰見三尺獻龍泉詩注

汚辱

洙曰天子圖籍也趙曰有三輔黃圖之書言宮殿名號與京畿地理也

月窟可焚燒

洙曰長楊賦西歷月窟又言月窟雖高猶可燒之也蘇
曰吳術曰大丈夫按劍橫行沙塞取月支之首焚其窟

窟章炳壯其言薦為游擊將
會取干戈利趙曰此戒董卿之辭干戈

軍趙曰指言吐蕃巢穴也
利取書敵乃干無令斥候驕洙曰西域傳斥候百人五
穀乃戈之義

無令其驕則號令嚴肅
居然雙捕虜洙曰後漢世祖建武四年拜馬武捕

虜將軍顯宗初西羌寇隴西覆軍
自是一嫖姚洙曰霍去病為

殺將朝廷患之復拜武捕虜將軍
嫖姚蘇曰何斌輕騎數百轉秋天憶射鵬

校尉落日思輕騎蘇曰何斌輕騎數百轉
修可曰北史斛律金子光見一大禽射之正中其頸形

如車輪而下乃鵬也邢子高嘆曰此射鵬手也人號為
落鵬雲臺畫形像洙曰見雲臺皆為掃氛妖洙曰掃氛妖言能靖

患亂也趙曰所以激昂董卿也漢雲臺
畫二十八將之像以其有功掃氛妖也

寄司馬山人十二韻

廣德二年作

補注

鶴曰詩云關內昔分袂天邊今轉蓬當是廣德二年未歸成都作

關內昔分袂

謝惠連詩飲餞野亭館分袂澄湖陰

天邊今轉蓬

洙曰曹子建詩

轉蓬離本根

驅馳不可說

蘇曰劉韻曰年來驅馳不可與子細說恐子心折

談笑偶

然同道術曾留意先生早擊蒙

洙曰蒙卦家家迎薊子後漢

方術傳薊子訓有神異之道到京師公卿已下候之者坐上常數百人皆為設酒醑終日不匱後因遁去遂不止

知所處處識壺公

洙曰費長房傳市中有老翁懸一壺於肆頭及市罷輒跳入壺中市人莫

之見長房於樓上觀
之異焉因往再拜

長嘯峨嵋北潛行玉壘東

洙曰江賦峨嵋

爲泉陽之揭玉壘作東別

補注

希曰壺公詳見真人謝元三洞神仙記峨嵋山

有嘉州今曰肅其北則山人嘗至眉雅玉壘
山在茂州今曰行其東則山人嘗至彭綿

有時騎猛

虎虛室使仙童髮少何勞白

梅曰此以下甫自嘆也

顏衰肯更紅

望雲悲軾軻

洙曰陶潛詩望雲慙軾飛鳥臨水愧遊魚

畢景羨冲融

洙曰謝希逸賦

餘景就畢洙曰言司馬養和氣如陽春也

喪亂形仍役

蘇曰徐邈喪亂之際形役心勞趙曰陶淵

明云既自以心爲形役

淒涼信不通懸旌要路口

趙曰史記云搖搖懸旌無所終

薄倚劔短亭中

修可曰宋玉賦云倚長劔兮天外康永曰懸旌倚劔言屯戍之兵以防寇盜

作殊方客殘生一老翁相哀骨可換亦遣馭清風

洙曰莊子

云列子御風而行冷然善也

寄李十四員外布十二韻

廣德二年作

洙曰新除司議郎兼萬州補注

鶴曰詩云正是炎天闊當是廣

德二年夏在草堂作故又云悶能過小徑自為摘嘉蔬

名參漢望苑

洙曰漢博望苑武帝為戾太子置之使通賓客從其所好

職述景題輿

洙曰周景為豫州刺史辟陳蕃為別駕蕃不就景題別駕輿曰陳仲舉坐也

巫峽將之郡荆

門好附書

趙曰預囑其不相忘也

遠行無自苦

蘇曰王粲遠行異域無勞自苦事事

慎內熱比何如洙曰內熱言熱中也正是炎天闊那堪

野館疎黃牛平駕浪洙曰黃牛峽名郭景純高浪駕蓬萊畫鷁上凌虛修可

曰張平子西京賦鷁首注試待盤渦歇洙曰郭璞江賦盤渦谷轉凌濤

云船頭畫鷁鳥厭水神勸其且休行故曰侍盤渦歇方期解纜初洙曰江淹解

望方悶能過小徑自洙曰一作日爲摘嘉蔬洙曰陶淵明歡言酌春酒摘我

園中蔬趙曰自此以下渚柳元幽僻村花不掃除宿陰

約李員外訪其居也繁素秣洙曰潘安仁閑居賦素秣丹白之色過雨亂紅蕖洙曰紅蕖蓮花寂寂夏

先晚泠泠風有餘江清心可瑩洙曰郭景純詩前有竹寒泉井聊可瑩心神

冷髮堪梳

堪一作宜

直作移巾几秋帆發敝廬

夢符曰按春秋左氏張翹

謂太叔曰自子之歸也小人冀除先人之敝廬師曰黃牛峽浪高與峽齊故云平駕浪盡鷓船也上凌虛謂船

逆水而上如凌虛空盤渦言水洄洑如碾碓然甫意欲

待峽水稍平穩即解纜訪李故末章又云直作移巾几

秋帆發

弊廬

歸來

廣德二年作

補注

鶴曰詩云門開野鼠走帙散壁魚乾當是廣德二年初歸草堂時作

客裏有所過

洙曰一作適

歸來知路難

趙曰此篇敘其久門往東劉而歸也

門

開野鼠走帙散壁魚乾

洙曰謝玄暉詩陵澗尋我屋散帙問所知定功曰壁魚白魚也

俗傳壁魚入道經函中因蠹食神仙字則身有五色人得而吞之可致神仙沈曰郭璞注衣書中蠹今人謂之

壁魚

洗杓開

洙曰一作斟

新醞低頭拭小盤

洙曰一云

憑誰給

麴蘖

洙曰書若作酒醴兩惟麴蘖

細酌老江干

洙曰干涯也趙曰司空飲酒詩開君一壺

酒細酌
對春風

王錄事許修草堂貧不到聊小詰

寶應元年作

補注

鶴曰此詩梁權道編在閬州歸後作今觀詩云昨屬愁春雨能忘欲漏時而公廣德

二年暮春方歸不應詩乃云爾當是寶應元年未歸綿州時作

爲嗔王錄事不寄草堂貧昨屬愁春雨能忘欲漏時

寄邛州崔錄事

廣德二年作

補注

鶴曰詩云應愁江樹遠怯見野亭荒當是廣德二年歸在草堂作又云聞在果園坊

坊在成都城中公爲徐卿覓桃栽亦云崔時在府中

邛州崔錄事聞在果園坊

洙曰坊名在成都

久待無消息終朝

有底忙應愁江樹遠

洙曰謝玄暉詩中流辨江樹

怯見野亭荒

洙曰謝惠

連詩飲餞野亭館

浩蕩風煙外誰知酒熟香

過故斛斯校書莊二首

老儒艱難病於庸蜀漢其沒後方受一官

補注

鶴曰斛斯即斛斯六乃草堂之鄰公所謂酒伴者詩云此老已云歿鄰人嗟未休廣

德二
年作

此老已云沒鄰人嗟未休竟無宣室召

洙曰文帝召賈誼於宣室徒

有茂陵求

洙曰謝玄暉詩廣平聽方籍茂陵將見求司馬相如病免家居茂陵天子曰司馬相如病

甚可往從悉取其書所忠往而相如已死無遺書問妻對曰長卿未嘗有書也時時著書人又取去長卿未死時爲一卷書曰有使來求書奏之其遺札言封禪事天子異之妻子寄他食園林非昔

遊空餘總帷在

洙曰謝玄暉詩總帷飄井幹儀禮鄭註凡布細而疎者謂之總趙曰總帷靈帳

也浙浙野風秋

燕入非傍舍

趙曰燕仍入其舍

鷗歸祗故池斷橋無復板卧柳

自生枝

洙曰池館依舊而人不見也遂有山陽作洙曰趙曰梁孝威詩卧柳尚還生見贈

王侍御契詩注

多慙鮑叔知

洙曰鮑叔與管仲交貧則知其困而容之達則知其賢而舉之管仲

曰生我者父母知我者鮑叔

素交零落盡

洙曰劉孝標絕交論斯賢達之素交歷萬古而一遇

素交盡利交興謝靈運萬事俱零落

白首淚雙垂

立秋雨院中有作

李泰伯曰此詩在嚴武書院中作

補注

鶴曰題曰院中又詩云暮齒借前籌當是嚴公奏為參謀在幕中作按公有院中晚

晴懷西郭茅舍詩又有正月三日歸溪上簡院內諸公則當時指帥屬公廨為院故院中晚晴

云院中一作使院李泰伯指為嚴武書院恐非

山雲行絕塞大火復西流

洙曰張景陽詩大火流坤維
夢符曰按左傳哀十二年冬

十二月姦仲尼曰丘聞之火復而後蟄者畢今火猶西
流司歷過也又爾雅云大火謂之大辰注大火心也

飛雨動華屋蕭蕭梁棟秋

洙曰謝玄暉詩朔風吹飛雨
蕭條江上來既灑百常觀復

集九

窮途愧知己

趙曰指嚴
鄭公也

暮齒借前籌

洙曰張良願
借前箸以籌

之趙曰言其晚年
而得嚴府參謀也

已費清晨謁

希聲曰甫言日
過武廳謀府事

那成長

者謀

趙曰又自
謀之辭

解衣開北戶高枕對南樓樹濕風涼進

江喧水氣浮禮寬心有適

趙曰言嚴公
待以寬禮

節爽病微瘳

趙曰

時節清爽公素有肺
疾惟氣爽則少蘇也

主將歸調鼎吾還訪舊丘

洙曰主
將謂嚴

公也言公還朝秉政日吾當遂歸計也補注希曰鼎鉉鮑明遠詩去鄉三十載復得還舊丘三公之任侯霸爲司徒嚴子陵遺之書曰君房位至鼎足是也公期嚴武歸處公相之任而已遂託以歸鄉也公京兆人所以云

舊丘

軍城早秋

嚴武作

昨夜秋風入漢關朔雲邊雪滿西山更催飛將追驕虜

洙曰漢匈奴號

李廣爲飛將莫放沙場匹馬還洙曰吐蕃常入積石軍取麥哥舒翰殺之

隻馬無還修可曰春秋僖公公羊云匹馬隻輪無返者

奉和

廣德二年作

補注鶴曰嚴武以廣德二年九月敗吐蕃於當
狗城十月克吐蕃鹽川城此詩和其軍城

早秋則是其
年七月作

秋風嫋嫋動高旌

洙曰九歌嫋嫋兮秋風高旌旌旗也

玉帳分弓射虜營

蘇曰賀若弼征可汗夜分勁弓射虜營皆破繼而追殺大捷趙曰帳大將軍之帳

補注希曰抱

軍在太乙玉帳之中不可攻也

已收滴博雲間戍

趙曰滴博城名雲間戍以言其高也欲

奪蓬婆雪外城

洙曰滴博蓬婆皆西山地名趙曰蓬婆吐蕃城名以其遠在雪山之外

補

注

鶴曰滴博西山城名雲間以言其高也公所轉粟上青天而高適所謂窮山之巔是也蓬婆乃吐蕃城

名故云欲奪按唐書吐蕃傳蕭昇杜希望王昱分道碎赤嶺碑昱以劔南兵入攻安戎城築二少壘左右之兵

次蓬婆嶺輪
劔南粟餉軍

院中晚晴懷西郭茅舍

廣德二年作

院中一補注鶴曰詩云幕府秋風日夜清當是
云使院廣德二年秋作又云浣花溪裏花

饒笑肯信吾兼吏隱

名明年果歸溪上

幕府秋風日夜清

洙曰武帝拜霍去病大將軍於幕府中故號幕府也

澹雲疎雨

過高城葉心朱實堪時落

洙曰劉越石朱實隕
勁風繁英落素秋

階面青

苔先自生

洙曰沈休文詩實除
綠錢滿客位紫苔生

復有樓臺銜暮景不勞

鐘鼓報新晴浣花溪裏花饒笑肯信吾兼

洙曰一吏隱
作今

名 洙曰公嘗爲嚴公參謀故云吏隱趙曰
汝南先賢傳鄭欽吏隱於蟻陂之陽

到村廣德二
年作

補注鶴曰詩云老去參戎幕
當是廣德二年秋作

碧澗雖多雨

洙曰謝玄暉詩銅陵
映碧澗石磴瀉紅泉

補注希曰碧澗紅泉
乃靈運題華子

岡詩非玄暉今在建
昌軍麻源第三谷

秋沙先洙曰又云亦鄭曰
先先見切後也

少泥蛟

龍引子過荷芰逐花低老去參戎幕

趙曰爲劔南
節度參謀也歸來

散馬蹄

洙曰曹子建詩
俯身散馬蹄

稻梁須就列

洙曰爲貧
而仕也

榛草即

相迷

趙曰言離草堂而入使
院則榛草反相迷也

蓄積思江漢

洙曰蓄積猶
鬱以瀉其鬱

結爾頽踈惑町畦

洙曰嵇康云匪降自天實由頽踈町畦隴畝也蒼舒曰南華真經人間世篇曰

彼且爲無町畦亦與之無町畦趙曰思歸也

暫酬知己分還入故林栖

洙曰王正

長人情舊鄉客鳥栖思故林蘇曰鹿岑曰山野性豈能拘祿仕旦夕即還故林單栖一枝私心足矣趙曰知己

謂嚴武言既酬報知己之分乃遂歸故林

宿府

廣德二年作

補注

鶴曰詩云清秋幕府井梧寒當是廣德二年秋在府中作

清秋幕府井梧寒

洙曰梧桐也趙曰魏明帝詩雙梧生枯井

獨有江城蠟炬

殘永夜角聲悲自語中天月色好誰看

蘇曰李固邊角風急永夜無寐

時唯自語鄭當時中天月色皎潔
故人流落千里不知渠與誰看也
風塵荏苒音書絕關

塞蕭條行路難已忍伶俜十年事

洙曰伶俜猶零丁也流落貌

強移

栖息一枝安

洙曰莊子言鵬鷄事而云鷄鷄巢於深林不過一枝以其性各有極苟足其極則不

知其所以然矣

遣悶奉呈嚴公二十韻

廣德二年作

蘇曰嚴武在蜀對客多騁筆札甫醉曰不謂嚴
挺之有此兒武怒甫徐曰我乃杜審言孫擬將
虎鬚爾合坐大笑彌縫之武曰與公等言何補
至上及祖考乎深街之甫歸草堂遂有此詩補
注鶴曰公歸溪上在永泰元年正月三日而此
詩云清秋鶴髮翁則是入幕未久便有此作

若武果銜之不應復留許久考公入幕後詩多不樂處幕中然此後與嚴武同賦詩尚多武死

公猶惓惓益知注第因史有是言云耳豈真東坡之言哉此詩作於廣德二年秋

白水魚竿客清秋鶴髮翁

洙曰鶴髮言老也趙曰庾信作賦子老矣鶴髮雞皮

為來幕下祇合在舟中

洙曰言體性疎散止可與漁樵為偶不當為幕客也黃卷

真如律

大臨曰言詩書以禮法繩人

青袍也自公

洙曰詩自公退食大臨曰言不卑小

官也老妻憂坐痺

卑利切

幼女問頭風平地專敬倒分曹失

異同

趙曰言其散秩在府中所坐之曹不專其事而分之不知為異為同也

補注

希曰漢食貨志

乃分遣御史廷尉正監分曹師古曰曹輩分輩而出為吏也鶴曰此句承上坐痺頭風也言疾作則有時歌倒

不辨異

禮甘衰力就義忝上官通

洙曰謂能容之於散秩也趙曰公得預府

幕上官疇昔論詩早

洙曰公與嚴公先以文才相知

光輝仗鉞雄

洙曰仗鉞

言嚴公

寬容存性拙

洙曰公嘗斥嚴公父名公不以爲忤

翦拂念途窮

洙曰

謂嚴武奏請爲簽謀也劉孝標絕交

露衰思藤架

洙曰

浥行

烟霏想桂叢

洙曰言身雖在幕中而嘗有山林之志

信然龜觸網

洙曰

龜筮傳預

直作鳥窺籠

洙曰秋興賦池魚籠鳥而有江湖山藪之思趙曰言身雖在幕

府而有懷草堂故如籠

西嶺紆村北

師曰自此句以下乃公述草堂之興而有

歸休之意故末章云會希全物色時放倚梧桐物色言形體衰老冀保其天年遂其真性倚梧桐以自樂也

南江繞舍東補注

希曰舊史云於沅花里結廬枕江南江即大江山海經岷山大江所出峽

山中江所出岷山北江所出今九域志資州有中江竹皮寒舊翠椒實雨新紅浪

簸船應拆杯乾甕即空

蘇曰蘇定戲友人曰薪盡火滅杯乾甕空藩籬生野

徑斤斧任樵童

洙曰自西嶺至此皆志在草堂

束縛酬知己蹉跎效小

忠

洙曰言性雖疎散當束縛以酬知已年雖蹉跎不足以負任責亦當效小忠也

周防期稍穉

太簡遂忽忽曉入朱扉啟昏歸畫角終不成尋別業

大觀

曰別業指草堂也

未敢息微躬烏鵲愁銀漢

洙曰烏鵲填河以渡

斗女甫意謂雖參幕府無以補濟故曰愁銀漢

鴛鴦怕錦幪

洙曰非其飾也

會希全物

色時放倚梧桐趙曰言如烏鵲之微力不任於填河駑駘之騫不足以被錦幪之飾所望於故

人者幸全其物色而放令倚於梧桐也

送舍弟頻赴齊州三首廣德二年作

補注鶴曰詩云岷嶺南蠻北徐關東海西北行何日到送汝萬行啼是頻自成都赴齊州

廣德二年作

岷嶺孫曰岷嶺也在蜀南蠻北洙曰南詔蠻也徐關東海西洙曰徐關齊地此

行何日到送汝萬行啼絕域惟高枕趙曰絕域言異方也清風獨

仗藜危時暫相見衰白意都迷補注希曰列子云穆王意迷心荒

風塵暗不開汝去幾時來兄弟分離苦形容老病催江

通一柱觀

鄭曰荊州有一柱觀土人呼爲木履觀

日落望鄉臺

洙曰成都記隋蜀王

秀所創客意長東北齊州安在哉

諸姑今海畔兩弟亦山東

趙曰齊州近海則是山東矣

補注

鶴按公作范陽

太君盧氏墓誌審言之女薛氏所出者適魏上瑜裴榮期盧正均皆前卒盧氏所出者適京兆王佑會稽賀撫

會稽瀕於海也

去旁干戈覓來看道路通短衣防戰地

洙曰趙武靈王

好胡服士皆短服趙曰時吐蕃未息故戎服以在防戰之地

匹馬逐秋風莫作俱流

落長瞻碣石鴻

洙曰絕交論附麒麟於旄端軼歸鴻於碣石注海畔山也

嚴鄭公堦下新松

得霑字
德二年作
廣

補注

鶴曰詩云移根方爾瞻細聲聞玉帳又題曰嚴鄭公當是廣德二年蓋是年正月武

到成都方載詩云未見紫烟
集虛蒙清露霑蓋自喻也

弱質豈自負移根方爾瞻

洙曰詩民
具兩瞻

細聲聞

洙曰一
作侵玉

帳疎翠近珠簾未見紫烟集虛蒙清露霑何當一百丈

欹蓋擁高簷

綠曰阮瑀松賦擁
高簷碧似欹蓋

嚴鄭公宅同詠竹

得香字

補注

鶴曰當是廣德二年夏作詩云但令無剪
伐會見拂雲長蓋諷武也明年武果死

綠竹半含籜

洙曰謝靈運詩初篁包綠籜

新梢纔出牆色侵書帙晚

陰過酒樽涼雨洗涓涓靜風吹細細香但令無翦伐會

見拂雲長

洙曰此二詩公之措意極為深遠以意逆志觀者當自知矣

奉觀嚴鄭公廳事岷山沱江畫圖十韻

得忘字

補注

鶴曰題曰嚴鄭公廳事則是廣德二年作

沱水臨中座

鄭曰案宇記在成都府新繁縣

岷山赴

洙曰一作對

此堂

洙曰江賦

惟岷之導江水所出也書岷山導江今蜀縣花丘及漢中沔陽皆有沱水

白波吹粉壁青嶂

插雕梁直訝杉松冷兼疑菱荇香雪雲虛點綴沙草得

微茫嶺鴈隨毫末川蛻飲練光霏紅洲藥亂拂黛石蘿

長暗谷非關雨丹楓不爲霜

洙曰晚霜楓葉丹趙曰暗谷處非真是雨而暗丹楓

非真是遭霜而丹皆以言畫也

秋成

洙曰一作城

玄圃外

洙曰崑崙山有玄圃蒼舒曰楚辭曰

朝發軔於蒼梧兮夕余至于玄圃注玄圃神山也淮南子曰崑崙玄圃惟絕通天

景物洞庭傍

洙曰洞庭湖名趙曰皆以形容其畫乃其景也

繪事功殊絕幽襟興激昂從來

謝太傅丘壑道難忘

洙曰太傅謝安也安雖貴而東山之志不忘師曰顧長康畫鯤在石

巖裏人問其故顧曰謝玄一丘一壑自謂過之此子宜置丘壑中又謝安寓居會稽與羲之支遁遊出則漁山

水每往臨安山中坐石室放情丘壑及薨贈太傅

晚秋陪嚴鄭公摩訶池泛舟

得溪字 廣德二年作

曾曰池在使府內蕭摩訶所開因是得名鄭曰摩訶池即汙池也在錦城西

補注鶴曰

當是廣德二年作前此武尹成都未嘗涉秋也凡言秋者皆是年作

湍駛風醒酒

洙曰謝靈運浩浩夕流駛鄭曰駛苦夫切馬曰駛疾貌

船行霧起隄

高城秋自落雜樹晚相迷坐觸鴛鴦起巢傾翡翠低莫

須驚白鷺為伴宿青溪

趙曰公指浣花溪

陪鄭公秋晚北池臨眺

新添 廣德二年作

補注

鶴曰詩云何補參軍乏歡娛到薄躬公時在幕中也當是廣德二年作自遣悶奉呈

嚴公後與之詠竹泛舟觀岷池圖及陪北池臨眺皆分韻賦詩武若銜之豈復情分還密如此

不知史何所本而云

北池雲水閣華館闢秋風獨鶴元依渚衰荷且映空采
菱寒刺上踏藕野泥中素楫分曹往金盤小徑通萋萋
露草碧片片晚旗紅杯酒霑津吏衣裳與釣翁異方初
豔菊故里亦高桐搖落關山思淹留戰伐功嚴城殊未
掩清宴已知終何補參軍乏

本中曰
一作事歡娛到薄躬

初冬

廣德二年作

補注鶴曰詩云垂老戎衣窄爲廣德二年十月
嚴武攻吐蕃鹽川城克之公時在幕府故

亦戎衣
也是時作

垂老戎衣窄洙曰垂老臨老也戎衣窄爲作簽軍謀歸休寒色深趙曰時方戎防

吐蕃漁舟上急水獵火著高林日有習池醉趙曰山簡在襄陽習氏有

佳園池簡日醉焉愁來梁甫吟趙曰公以諸葛自比也師曰甫云此句其志厭唐室之亂可知

干戈未偃息出處遂何心

正月三日歸溪上有作簡院內諸公永泰元年作

補注鶴曰溪上指浣花溪也詩云白頭趨幕府深覺負平生於是不復入幕當是永泰元

年

野外堂依竹籬邊水向城蟻浮仍臘味

洙曰酒也周庚信謝賜酒詩浮

蟻對春開

鷗泛已春聲

洙曰南越志鷗水鳥也在漲海中隨湖上三月風至乃去蘇曰耿異曰

門前池水已有春色客曰如何

異曰今日鷺浴鷗泛連漪濫濫樂許鄰人斲

趙曰公之不吝如此

書從稚子擎

趙曰言文書多任稚子也師曰子美詩有天寒斲茯苓之句言以鐵椎斲地而得之

補注

鶴曰種藥本以濟世故許鄰人斲收書本以教人故從稚子擎公之志趣如此與隔形骸而分爾汝

者異矣

白頭趨幕府深覺負平生

趙曰公嘆老而猶仕耳

敝廬遣興奉寄巖公寶應元

年作

補注

鶴曰題云敝廬遣興而詩云清依節制尊則寶應元年武節制兩府時作也若廣

德二年永泰元年春武雖俱在成都而是時正合東西川爲節度使矣不應云節制梁權道不考此而編在永泰元年歸溪上後作詩又云還思長者轍恐避席爲門蓋寶應元年武曾過浣花故曰還思公是時有小隊尋花到野亭之句也此詩題不曰鄭公而曰嚴公則可知矣

野水平橋路春沙映竹村風輕粉蝶喜花暖蜜蜂喧把

酒宜深酌題詩好細論府中瞻暇日江上憶詞源

趙曰隋文

藝傳云筆有餘力詞無竭源

跡忝朝廷舊

洙曰公仕三朝

情依節制尊

洙曰公之

入蜀惟依嚴公節制持節專制也

還思長者轍恐避席爲門

洙曰見寧紆長者轍

注趙曰欲枉嚴公之駕
故用陳平事以激之

春日江村五首

永泰元年作

補注

鶴曰詩云迢遞來三蜀蹉跎又六年又云
扶病垂朱紱歸休步紫苔又云郊扉存晚

計幕府愧羣才當是永
泰元年歸溪上後作

農務村村急

洙曰農務田事

春流岸岸深乾坤萬里眼時序百

年心茅屋還堪賦

洙曰秋興賦偃息不
過茅屋茂林之下

桃源自可尋艱

難昧

洙曰一作賤

生理飄泊到如今

迢遞來三蜀

趙曰蜀郡廣漢郡
犍爲郡爲三郡也

蹉跎又六年

洙曰又一作有趙曰

公自乾元二年冬到蜀至補注鶴曰公以乾元冬入蜀今乾元七年凡六年矣至永泰元年乃六年趙

注云至今乾元七年凡六年乾元安得有七年客身逢故舊洙曰得嚴公薦舉也發興自

林泉過懶從衣結洙曰黃京威衣百結衣頻遊任履穿洙曰東郭先生履穿

行雪中著地處皆足迹潘籬頗無限恣意向洙曰一江天師曰言江天恣

意賞賤不費錢買也

種竹交加翠栽桃爛熳紅經心石鏡月到面雪山風日洙

石鏡雪山皆蜀中故事已見前注赤管隨王命洙曰漢官儀尚書令僕丞郎月給赤管大筆一

雙公爲檢校尚書工部故云赤管也銀章付老翁趙曰銀章方賜朱朱服也故次篇有垂紱之句

補注

鶴曰或謂上元二年冬嚴武鎮成都奏公爲節度參謀檢校工部員外郎賜緋魚故有赤管銀章之

句然廣德元年方以京兆功曹而不赴又上元二年已後詩未嘗言朱銀事則是廣德二年奏除即賜緋爲明漢百官表凡吏秩比二千石以上皆銀印青綬師古曰漢舊儀云銀印背紐其文曰章謂刻曰某官之章唐雖無賜印者而公謂銀章豈知牙齒落蘇曰李詩有子在因其有隨身魚而言耳

妻曰阿陳豈知我牙齒豁落如桑榆倒景何與子相見耶

名玷薦賢中

扶病垂朱紱歸休步紫苔

洙曰紱古蔽膝也象冕服以韋爲之曹子建俯伏朱紱休

沐也漢制五日一下休沐沈休文詩客位紫苔生

補注

希曰韋賢傳黼衣朱紱師古曰朱紱爲朱裳畫

爲亞文也亞古弗字故因謂之紱又作黻按歐公集古錄載周武王錫毛伯敦銘乃命汝赤芾同冕高紀高祖

嘗告歸之田李斐曰休謁之名孟康曰古郊扉存晚計

者名吏休假曰告今日歸休謂歸溪上

涑曰顏延年側同幽幕府媿羣材趙曰衛青傳云開幕府蓋設幕以爲府也

燕外晴絲捲鷗邊水葉開蘇曰阮籍詩浴鷗開水葉戲蝶避風絲鄰家送

魚鼈問我數能來

羣盜哀王粲通曰王粲避亂客荆州中年召賈生趙曰文帝召賈誼至宣室補

注希曰子元帝懷舊志序中登樓初有作涑曰王粲在荆州思歸作

登樓賦前席竟爲榮涑曰賈生對文帝於宣室言鬼神事帝不覺前席宅入先賢

傳涑曰先賢傳載王粲宅斗高處士名異時懷二子春日復含情

洙曰二子謂王粲貫誼也師曰昔王粲依劉表于荊州
思歸作登樓賦子美在蜀依嚴武故以比之然子美以
晚年得嚴武薦檢校工部補注希曰食貨志異時算輅
比之賈生文帝前席之也補注車師古曰異時言住時
也

絕句六首

廣德二年作

補注

鶴曰詩云舍下笋穿壁當是草堂作公上
元元年種竹則元年與寶應二年笋未能

穿壁當是廣德二年春
晚自閬州歸草堂時作

日出籬東水雲生舍北泥竹高鳴翡翠沙僻舞鷓鴣
洙曰

九辨鷓鴣雞嘲啗而悲鳴趙曰
公孫月賦鷓鴣雞舞於蘭渚

藹藹花葉亂飛飛蜂蝶多

趙曰江總詩黃鵠飛飛遠

幽棲身懶動客

至欲如何

急雨梢溪足斜暉轉樹腰隔巢黃鳥並翻藻白魚跳

洙曰

藻水草也

鑿井交梭葉開渠斷竹根扁舟輕棹纜小逕曲通村

舍下笋穿壁

蘇曰顧榮苦志讀書村居疎漏笋穿壁生曰惟一孟粥而手不釋卷

庭中藤

刺

洙曰一作到刺七亦切

簷地晴絲冉冉江白草纖纖

江動月移石溪虛雲傍花鳥棲知故道帆過宿誰家

蘇曰

宋選送弟入洛登舟挂席東下選凝竚久之語
經君曰帆過南浦今夜清風明月宿水渌誰家

絕句四首

寶應元年作

補注

鶴曰詩云門泊東吳萬里船以公別詩參考則泊船乃上元寶應間事又詩云因驚

四月雨聲寒當是寶應元年四月作若永泰元年春公亦在草堂而四月嚴武卒公行出蜀恐

非此年作蓋以笋長而別開門則未有去草堂之意也

堂西長笋別開門
軒北行椒却背村

趙曰行椒蓋成行者

梅熟許

同朱老喫松高擬對阮生論

洙曰朱阮劍外相知

補注

希曰陸機云椒樹似

菜葉堅而滑澤蜀人作茶吳人作茗皆合煮以爲香今成臯諸山間有椒謂之竹葉椒朱老當是南鄰朱山

人阮生豈阮隱居歟阮居秦州
故云擬對之而論松之高也

欲作魚梁雲覆湍

洙曰覆一作復鄭曰魚梁地名

因驚四月雨聲寒青

溪先有蛟龍窟竹石如山不敢安

趙曰魚梁劈竹積石橫截中流以爲聚魚

之區也以溪下有蛟龍時興雲雨雖以魚梁人之所利也而公不敢犯害以就利異乎出入徑行直前惟利是謀矣

兩箇黃鸝鳴翠柳補注

希曰伐木詩鳥鳴嚶嚶郭云嚶嚶兩鳥鳴也

一行白

鷺上青天窓含西嶺千秋雪

洙曰西山白雪四時不消

門泊東吳萬

里船

趙曰公之志每欲南下其所泊於門外之船乃欲往東吳萬里之船也

藥條藥

洙曰一作草

甲潤青青色過棕亭入草亭苗滿空山

慙取譽

趙曰公自喻也藥者如本草所載各以其土地知名於世

根居隙地怯成形

趙曰今所種之藥在空隙之地欲成似物之形而怯於人之所易見也

陪李七司馬皂江上觀造竹橋即日成往來之人

免冬寒入水聊題短作簡李公二首

補注

鶴曰梁權道編此詩在寶應元年成都作然後有詩題云李司馬橋了承高使君自

成都回則橋不在成都詩亦不在成都作甚明當是上元二年冬在蜀州作詳見後篇注

伐木爲橋結構同褰裳不涉往來通

洙曰孫炎曰揭衣褰裳曹顏遠褰裳

不足

天寒白鶴歸華表

趙曰橋前二柱曰華表柱昔有白鶴集於柱上有云有鳥有鳥

丁令威三年吾其歸

日落青龍見水中

洙曰橋影落水中如青龍

顧我老非

題柱客

洙曰見登橋必題柱注

知君才是濟川功

洙曰說命若濟巨川用汝作舟

揖合歡却笑千年事驅石何時到海東

洙曰秦始皇作石塘欲過海看

日出處有神人能驅石下海石去不速神輒鞭之石皆流血趙曰言與賓客落橋之成而歡飲因笑往事之勞

徒驅石也

把燭橋成夜迴舟客坐時天高雲去盡江迴月來遲衰

謝多扶病招邀屢有期

洙曰謝惠連詩輟策共駢筵並坐相招邀

異方乘此

興樂罷不無悲

趙曰公流落旅寓而不能歸所以有悲也

李司馬橋了承高使君自成都迴

上元二年作

補注

鶴曰高適上元二年與成都尹崔光遠同平段子璋光遠以不能戢將士大掠天子

怒以適代光遠故適在成都今詩云已傳童子騎青竹總擬橋東待使君按九域志蜀州東至成都一百里則是時適守蜀爲甚明矣若謂在彭州則成都在彭州之南也九域志謂南至成都九十二里此詩同上篇爲上元二年作

向來江上手紛紛三日成
功事出羣已傳童子騎青竹

總擬橋東待使君

洙曰并州小兒騎竹馬以迎郭伋使君

江上值水如海勢聊短述

值一作置
寶應元年作

補注

鶴曰梁權道編在永泰元年成都詩內今考詩云新添水檻供垂釣則是初作水檻

時作按公廣德二年作水檻詩云遊子久在外門戶無人持高岸尚爲谷何傷浮柱歎是公自

閩州歸水檻已歎損矣今云新添當在寶應元年春作

爲人性僻耽佳句語不驚人死不休老去詩篇渾漫與

春來花鳥莫深愁

趙曰耽佳句而語驚人言其平昔如此今老矣所爲詩則漫與而已無復

著意於驚人也故寄語花鳥無用深愁耳

新添水檻供垂釣故著浮槎替入

舟焉得思如陶謝手今渠述作與同遊

見陶謝不枝梧注

寄杜位

洙曰位京中宅近西曲江詩尾有述上元二年作

補注

鶴曰詩云玉壘題書心緒亂當是上元二年自成都赴青城時作詩云悲君已是十

年流蓋自天寶十載至今爲十年

近開寬法離新州想見歸懷尚百憂逐客雖皆萬里去

洙曰秦議逐客李斯在逐客中上書秦王留斯爲客卿趙曰謂之皆萬里則所逐非止杜耳悲君已

是十年流

洙曰流竄也

干戈況復塵

洙曰一作行

一隨眼鬢髮還應

雪

洙曰一作白

滿頭玉壘題書心緒亂何時更得曲江游

洙曰

玉壘蜀之坊名也趙曰玉壘在青城縣也此詩公在青城縣因書寄之曲江在唐其游最盛

題桃樹

趙曰此非止因桃而題其所懷蓋舍仁民愛物之心與夫過亂喜治之意具詳於逐

下句

補注

鶴曰梁權道謂永泰元年亂定後還成都作然蔡興宗魯嘗年譜皆云是年四月嚴

武卒五月公下渝忠未嘗再至成都則權道所編爲非當是廣德二年自閬州歸成都時作故

詩云天下車書正一家謂吐蕃與朝義之亂已息

小逕升堂舊不斜五株桃樹亦從遮高秋總饒貧人實

來歲還舒滿眼花

趙曰言其至秋時書熟皆以分饒貧者以其不害來歲之花仍是滿眼則

望復結實此其爲仁民之心乎

簾戶每宜通乳燕

洙曰乳燕燕之雛也謝玄暉詩花叢亂數

蝶風簾
八雙燕

兒童莫信打慈鴛

洙曰鴛有慈孝之名以其授哺反哺也

名寡妻羣

盜非今日天下車書正一家

洙曰中庸天下車同軌書同文趙曰告羣盜以天下

一家矣無妄動也非遇亂喜治之意乎後漢劉盆子天
鳳元年琅邪海曲有呂母者子爲縣吏宰以小罪殺之
呂母怨宰傾家貲密與客以報仇合衆至數千
呂母自稱將軍執宰斬之羣盜之起由於呂母

舍弟占歸草堂檢校聊示此詩

廣德元年作

補注

鶴曰詩云頻爲草堂回當是廣德元年避亂在梓闕時作梁權道以爲永泰元年亂

定後還成都時作然詩云東林竹影薄臘月更須裁若如梁權道編則其年冬公已在雲安無

容更令臘月裁竹矣

久客應吾道

趙曰家語載孔孟陳蔡之厄曰吾道其非耶

相隨獨爾來孰知

江路近頻爲草堂迴鵝鴨宜長數柴荆莫浪開東林竹

影薄臘月更須栽

暮登四安寺鐘樓寄裴十四

作四一

補注

鶴曰詩云暮倚南樓對雪峯又云近市浮烟翠且重當是永泰元年在溪上作

暮倚南樓對雪峯僧來不語自鳴鐘孤城返照紅將斂

洙曰夕陽謂之返照

近市浮烟翠且重多病獨愁常聞寂

趙曰易曰闕其

戶間其無人王弼注聞寂也

故人相見未從容

洙曰從容款曲也天台賦任緩步之從容

知君苦思緣詩瘦

蘇曰崔浩愛吟詠一日病起友人戲之曰非子病如此乃子苦吟詩瘦也

後爲口實

太向交游萬事慵

洙曰李白有戲贈公詩云借問年來何瘦生只爲從前作詩苦

趙曰緣苦詩之故其在交游也萬事皆慵廢矣

觀李固請司馬弟山水圖三首

一云李七

補注

鶴曰詩云寒天留遠客碧海掛新圖意是廣德二年冬作

簡易高人意

洙曰一作體敏功曰平易也楊子以簡以易

匡牀竹火爐

蘇曰張扶

隱居太白山茅庵石鼎匡牀竹火爐藥壺而已趙曰莊子騎姬與晉公同匡牀而食

寒天留遠客

碧海掛新圖雖對連山好貪看絕島孤羣仙不愁思冉

舟下蓬壺

洙曰蓬壺山名神仙所宅之地

方丈渾連水天台總映雲

洙曰方丈天台二山

人間長見畫老

去恨空聞范蠡舟偏小

洙曰范蠡爲越破吳功名遂乃乘扁舟泛江湖變姓名適齊

爲鴟夷子

王喬鶴不羣

趙曰其圖必畫舟與鶴王喬事見昔游詩注

此生隨萬物

何處出塵氛

洙曰莊子所謂與物轉徙也

高浪垂翻屋

洙曰郭景純詩高浪過蓬萊

崩崖欲壓牀野橋

洙曰一作樓

分子細沙岸繞微茫紅浸珊瑚短青懸薜荔長浮查並

坐得仙老暫相將

散愁二首

乾元二年作

補注

鶴曰此詩言及李光弼王思禮又云蜀星陰見少當是乾元二年初入蜀時作詩云

聞道并州鎮尚書訓士齊蓋思禮以元年鎮太原上元元年加司空二年薨梁權道編在上元

二年成都作若如梁編當云司空不但言尚書也詳見注

久客宜旋旆

蘇曰郭規久客塞上宜旋歸旆故園桃李想自成蹊鄉親時復入夢

興王未

息戈蜀星陰見少

趙曰星以陰而見少

江雨夜聞多百萬傳深入

寰區望匪他司徒下燕趙收取舊山河

趙曰望光弼之深也弼為檢校

司空補注

希曰百萬言師徒之衆如所謂號百萬與百萬之師者深入用孔明表中語光弼以乾元二年

七月爲朔方節度使兵馬元帥八月爲幽州長吏河北節度以敗賊將留希德及收清夷橫野等軍加檢校司徒史又云光弼急攻趙一日拔之

聞道并州鎮尚書訓士齊

洙曰并州太原也時王思禮爲帥

補注

鶴曰思禮

以收東京戰數有功遷兵部尚書而舊史云遷戶部尚書乾元元年與子儀圍城相州軍潰惟李光弼思禮軍獨完尋破思明別將萬餘衆於直千嶺光弼徙河陽代爲河東節度治太原持法嚴整士不敢犯 幾時

通薊北

洙曰范陽盧龍等也皆安史巢穴

當日報關西

洙曰長安以西皆謂之關西

戀闕丹心破

蘇曰辛毗值此喪亂兵戈未定丹心復將破矣

霑衣皓首啼老魂

招不得歸路恐長迷

至後

廣德二年作

補注 鶴曰詩云遠在劔南思洛陽又云青袍白馬有何意當是廣德二年冬在巖武幕中

作

冬至至後日初長

洙曰周禮冬至日在牽牛影長一丈三尺趙曰漢時宮中繡工以線量日

影冬至後漆一線也

遠在劔南思洛陽青袍白馬有何意

洙曰公

品服

金谷銅駝非故鄉

洙曰金谷園銅駝陌皆蜀中故事鄭曰皆在漁陽師曰金谷園

銅駝街皆不及故鄉之樂

梅花欲開不自覺棣萼一別永相望

洙曰棣萼

言兄弟也

愁極本憑詩遣興詩成吟詠轉淒涼

蘇曰庾子山云本託詩遣

興詩成反使
旅思淒涼

撥悶

彦輔云一云贈嚴二
別駕 永泰元年作

補注

鶴曰梁權道謂在永泰元年亂定後還成都作然乘舟取雲安之酒以供醉辦錢防

三老之直以下峽非成都所當
用語當是永泰元年在忠渝作

聞道雲安麴米春

蘇曰退之詩且可勤買拋青春國史
補酒有郢之富水烏程之若下滎陽

之土窟春富平之石凍春劔南之燒春子美聞道雲安
麴米春裴劍傳奇亦有酒名松醪春乃知唐名酒多以
春
纔傾一酌即醺人
乘舟取醉非難事
下峽銷愁定幾

巡長年三老

洙曰舟師名

遙憐汝

師曰俗謂之翁蓋把柁者
捩柁開頭

洙曰

一作
鳴橈捷有神
洙曰初行已辦青錢防雇直當令美味入

吾脣一作身

登高
新添廣德元年作

補注鶴曰寶應元年廣德元年九月公皆在梓州以後篇論之此詩當是廣德元年作

風急天高猿嘯哀
洙曰宋玉云天高而氣清潘安仁勁風淒急渚清沙白鳥

飛迴無邊落木蕭蕭下
洙曰江賦尋之無邊楚辭洞庭波兮木葉下又風颯颯兮木蕭

蕭不盡長江衮衮來
洙曰謂不萬里悲秋常作客
宋玉

悲百年多病獨登臺
洙曰相如多艱難苦恨繁霜鬢潦病卧於陵

倒新亭濁酒杯

洙曰嵇康曰酒一杯潦倒瓮踈

九日

廣德元年作

補注

鶴曰詩云去年登高郵縣北當是廣德元年作

去年登高郵縣北

洙曰東蜀有郵縣

今日重在涪江濱

趙曰射洪之江

也鄭曰寰宇記江龍在縣西二百里沈曰蜀有涪州以涪江得名

補注

鶴曰梓州治郵縣水經涪江水

東南合射江射江在梓州而九域志以涪江隸合州然公未嘗至合州當是指涪水合於射江而言故梓亦有

涪城縣

苦遭白髮不相放羞見黃花無數新世亂鬱鬱久

爲客路難悠悠常傍人酒闌却憶十年事腸斷驪山清

路塵

洙曰憶明皇太平之時也不敢明指故致意驪山也蒼舒曰子美傷時憂憤發爲辭章指陳得失莫

不切至而此注謂其不敢明指嗚呼謬哉趙曰驪山在臨潼縣即明皇之華清宮也孫曰驪山明皇遊幸之地

秋盡

寶應元年作

補注

鶴曰詩云秋盡東行且未回謂寶應元年秋自梓歸迎家再往梓故云茅齋寄在少

城隈當是其年作

秋盡東行且未迴茅齋寄在少城隈

洙曰蜀之張儀城也趙曰公將往於

東蜀矣姑寄草堂於成都也少城城內小城也

補注

鶴曰少城在成都張儀築李膺記云在大城西故曰

少城籬邊老却陶潛菊

洙曰陶潛詩采菊東籬下

江上徒逢袁紹杯

洙曰

典畧曰劉松表紹於河朔三伏之際晝夜飲酒以避一時之暑故河朔間有避暑之飲

雪嶺獨看

西日落

趙曰西山謂之雪嶺

劍門猶阻

洙曰一作斷

北人來

洙曰言京信尚阻

補注

鶴曰劍川有劍門縣是時吐蕃入寇正殷未幾陷京師而松維保川亦陷故云

不辭萬里

長爲客懷抱何時得好開

野望

寶應元年作

補注

鶴曰詩云金華山北涪水西仲冬風日始淒淒山與水皆在射洪縣又云仲冬當是

寶應元年十一月往射洪作同時有往射洪縣南途中有作南之通泉縣等詩

金華山北

洙曰一作南

涪水西

趙曰金華山涪水皆射洪縣也

仲冬風日始

淒淒山連越，舊蟠三蜀水。散巴渝，下五溪。鄭曰：舊悉委切。唐韻：郡名。

十州志：漢置越、舊、郡，以隸三蜀。洙曰：東西兩川及梁謂之三蜀。田曰：左太冲賦注：三蜀，蜀郡、廣漢、犍爲也。洙曰：

越，舊郡名也。當南蠻之要。李德裕置蜀日，置屯以制蠻寇。五溪，蜀交阯馬援征五溪蠻。鄭曰：巴渝二州十州記。

太清四年，武陵王於巴補注。希曰：舊史：越、舊、漢郡名。武陵置楚州，隋改爲渝州。帝置縣屬郡，有越水、舊水。

蜀郡本一漢高帝置。廣漢郡武帝又分置犍爲郡。故後人并蜀都謂之三蜀。通典：黔中謂之五溪。注謂酉辰巫

武沅等溪也。獨鶴不知何事，舞饑鳥似欲向人啼。射洪春酒

寒仍綠，目極傷神誰爲攜。

老病大歷元年作元

補注鶴曰詩云老病巫山裏當是大歷元年夔州作蓋是年春晚方自雲安遷夔州今云

巫山裏則尚在雲安也

老病巫山裏稽留楚客中藥殘他日裏花發去年叢夜

足露沙雨春多逆水風合分雙賜筆趙曰漢官儀尚書

管大筆一雙公爲尚書猶作一飄蓬洙曰見

工部郎故感而有是句前注

補注杜詩卷二十六

欽定四庫全書

集部

補注杜詩卷二十七

臣 永瑤 恭 校

檢討臣 何思鈞 覆 勘

總校官進士 臣 朱 鈐

校對官助教 臣 胡 襄

騰錄監生 臣 張 宸

欽定四庫全書

補注杜詩卷二十七

宋 黃希 原本

黃鶴 補注

去蜀

新添 廣德二年作

補注

鶴曰詩云五載客蜀郡一年歸梓州按公乾元已亥冬至成都距廣德二年為五載

而寶應元年秋至廣德元年秋在梓州為一年此當是廣德二年在閬州作時嚴武未再鎮蜀所以欲下瀟湘末云安危大臣在謂吐蕃入寇有子儀諸公可恃也

五載客蜀郡一年歸梓州如何關塞阻轉作瀟湘遊萬

事已黃髮殘生隨白鷗安危大臣在何必淚長流

放船

新添永泰元年作

補注

鶴曰詩云收帆下急水又云已泊城樓底當是永泰元年自忠渝下雲安作

收帆下急水卷幔逐回灘江市戎戎暗山雲淦淦寒荒
林無徑入獨鳥恠人看已泊城樓底何曾夜色關

哭巖僕射歸櫬

永泰元年作

補注

鶴曰巖武以永泰元年四月薨公亦雖成都遊嘉戎渝忠至雲安今詩云一哀三峽

暮當是其年在渝忠作

素幔隨流水歸舟返舊京

洙曰舊京故國修可曰盧子諒詩南望舊京路

老親

知洙曰一作如

宿昔

按新史武卒母哭且曰今而後吾知克為官婢矣趙曰言嚴公之母尚健如宿

昔耳舊注所引非是

部曲異平生

洙曰言部曲有異於存日也宋鮑昭東武吟將軍既即世部曲

亦罕存後漢光武紀注大將軍營有五部三校尉部下有曲曲有軍候一人

補注

希曰李廣傳廣行無

部曲行陣師古曰續漢書百官志將軍領軍皆有部曲大將軍營五部部校尉一人部下有曲曲有軍候

一風送蛟龍雨

洙曰見蛟龍得雲雨注師曰子美詩云蛟龍得雲雨言賢者之得勢今云風送

蛟龍雨雨被風吹斷

天長驃騎營

洙曰晉齊獻王攸迂驃騎將軍時常罷營

兵士數千人戀

一哀三峽暮遺後見君情

師曰遺後者謂恩德遺與

後人使人哀思之不
忘則君之情可見矣

宴戎州楊使君東樓

永泰元年作

補注

鶴曰唐志戎州本犍為郡與嘉州皆犍為地也公以永泰元年五月去成都之嘉戎

此詩云輕紅擘荔枝當是其年六月作山谷在戎州有和任道食荔枝詩云六月連山柘枝紅又有廖致平送綠荔枝詩云誰能同此絕勝味唯有老杜東樓詩蓋本此詩有勝絕驚身老之

句也

勝絕驚身老情忘發興竒座從歌妓密樂任主人為重

碧拈

洙曰一作酌

春酒輕紅擘

洙曰一云酌又掌

荔枝

洙曰曹子建七啓云春清

縹酒注縹深碧色蜀都賦旁挺龍目側生荔枝蘇曰歐陽文忠公曰酤當作拈李充閩中行云擘荔枝濕輕紅酌竹葉艷深綠趙曰舊本作酤春酒非也善本作拈則元稹元日詩羞看稚子先拈酒白樂天歲假詩云歲酒先拈辭不得荔枝雖有數種而膜皆帶粉紅黃魯直在戎州時王公權家荔枝綠廖致平家綠荔枝詩試傾一杯重碧色快學補注希曰春字作筒字張君房載歷城千顆輕紅肌北有使君林魏正始中鄭公慙於三伏之際率僚避暑於此取大荷葉盛酒以簪刺令與柄屈通莖輪菌如象鼻傳翕之名為碧甯歷下皆效之云酒味雜蓮氣香冷勝於它耐郡國志樊住施夷中多以荔枝為紫園植萬株樹收一萬五千斛唐志戎州貢荔枝煎九域志戎州樓高欲愁思橫笛未休吹有荔枝園此故云

渝州候嚴六侍御不到先下峽

永泰元年作

補注

鶴曰唐志渝州本漢巴郡永泰元年公去成都經嘉戎至此作

聞道乘驄發

立之曰漢桓典號驄馬御史指嚴侍御也

沙邊待至今不知雲

雨散

洙曰宋王高唐賦湫兮如風淒兮如雨風止雨霽雲無處所王粲詩風流雲散一別如雨師曰雲雨

散喻別

虛費短長吟

洙曰古詩有長短吟

山帶烏蠻闊

洙曰萬州西有烏白

蠻

江連白帝深

洙曰公孫述以永安為白帝城師曰此言阻遠也

船過一柱觀

洙曰梁劉孝綽江津寄劉之遴詩經過一柱觀出入三休臺

留洙曰一作滯

眼共登臨

聞高常侍亡

忠州作鮑曰高適也本傳繼廣德元年後言召為刑部侍郎左散騎常侍

補注

鶴曰按舊史云適練兵於蜀臨吐蕃以牽制之師出無功而松維等州尋為蕃兵所

陷以嚴武代還用為刑部侍郎轉散騎常侍永泰元年正月卒今詩云蜀使忽傳亡當是其年在成都作梁權道編在忠渝間詩內然是年公至忠渝已是六七月不應適正月卒而今始聞之

歸朝不相見蜀使忽傳亡虛歷金華省

洙曰班固傳王鳳薦班伯召見

宴昭殿誦說有法拜為中常侍時上方嚮學鄭寬中張禹朝夕入說尚書論語於金華殿中詔伯受焉注金華殿在未

何殊地下郎

洙曰世說顏回為地下修文郎

致君丹檻折

洙曰見折

楹詩 哭友白雲長

蘇曰山巨源哭嵇中散曰白雲央 獨

步詩名在

洙曰適有詩名於時趙曰曹子建與楊德祖書曰昔仲宣獨步於漢南曰南史沈約謂

王筠文章之美 可謂後來獨步 祇今故舊傷

宴忠州使君姪宅

永泰元年作

補注

鶴曰詩云出守吾家姪則為杜使君也忠州唐屬山南道蓋近夔州矣永泰元年作

出守吾家姪

洙曰出守守土也刺史也

殊方此日歡自須遊阮舍

洙曰

晉阮咸與叔父籍為竹林之遊居道南諸阮居道北阮富而南阮貧也師曰既咸比姪子美自比籍乃知叔姪之相得也

不是怕湖灘

洙曰忠州下惡灘也

樂助長歌逸

洙曰作送杯饒

旅思寬昔曾如意舞

趙曰王戎嘗以如意起舞師曰如意者乃鐵如意石崇以鐵如意擊

破珊瑚樹即此

牽牽強為看

禹廟

永泰元年作

補注

鶴曰詩云禹廟空山裏秋風落日斜又云早知乘四載疏鑿控三巴蓋夔州本巴東

郡而忠乃析巴東之臨江置又渝州有巴縣此詩當是永泰元年秋在渝忠閣作

禹廟空山裏秋風落日斜

蘇曰楊修晚蟬噪秋風飢鴉鬧斜日

荒庭垂橋

柚古屋畫龍蛇

洙曰招魂仰觀刻補畫龍蛇

補注

希曰楚辭九歌河伯云魚鱗屋芍龍

堂王逸注云河伯所居以魚鱗蓋屋堂以朱畫蛟龍

之文又天問屈原放逐愁悴見楚有先王之廟及公卿

祠堂圖畫天地山川神靈琦瑋適

雲氣生虛壁

洙曰一作清虛

壁江聲走白沙早知乘四載

洙曰史記河渠書云夏書曰予乘四載十三年三過

不入門陸行乘車水行載舟

疏鑿

洙曰一作流落控三巴

泥行蹈蹠山行即橋一作輦

補注杜詩

五

江賦巴東之峽夏后疏鑿趙曰按樂史寰宇記於渝州
記云閬白二水東西流山曲如巴字是謂三巴鄭曰十
道志渝州巴縣并
巴東西是為三巴

題忠州龍興寺所居院壁

永泰元年作

補注

鶴曰公以永泰元年秋至忠州寓居於寺故有此作

忠州三峽內

洙曰蜀都賦經三峽之崢嶸注三峽巴東永安縣有高山相對相去可二十丈左右

崖甚高人謂之峽江水過其中

井邑聚雲根

趙曰雲根言石也張協詩雲根臨八極

小市

常爭米孤城早閉門空看過客淚莫覓主人恩

蘇曰楚人侵郢

郢閉門常早過客子美自稱主人指張君上篇有宴忠州張君宅

補注

希曰唐志忠州本臨州州有五

縣而戶止六千七百則并邑聚石蕭條可知宜有爭米
之風主人謂使君姪而蘇注云使君是張君一字之誤
容或有之而詩云出守吾家姪亦有誤
乎謂之張君殊不考決非東坡之言
淹泊仍愁虎深

居賴獨園

洙曰金剛經
給孤獨園

旅夜書懷

永泰元
年作

補注

鶴曰詩云名豈文章著官應老病休當是
永泰元年去成都舟下渝州時作又云危

檣獨

夜舟

細草微風岸危檣獨夜舟

定功曰王仲宣
詩獨夜不能寐

星垂平野闊

月湧大江流

洙曰王仲宣詩
大江流日夜

名豈文章著官應老病休

飄飄何所似天地

洙曰一作外

一沙鷗

別常徵君

永泰元年冬作

補注

鶴曰詩云兒扶猶杖策卧病一秋強又迂居夔州郭詩云伏枕雲安縣當是永泰元

年冬在雲安作故又云寒衣寬摠長

兒扶猶杖策卧病一秋強白髮少新洗寒衣寬摠長

蘇曰

曹子建詩度覺衣寬長愁知酒淺淡

故人憂見及

革曰見及猶云訪及也

此別淚相

忘各逐萍流轉來書細作行

十二月一日三首

永泰元年作

補注 鵬曰公以永泰元年秋至雲安而明年春晚迂居於夔州城今詩云今朝臘月春意

動雲安縣前江可憐當是在雲安作

今朝臘月春意動雲安縣前江可憐

鄭曰十道志雲安在夔州本漢胸臆

縣一聲何處送春鴈百丈誰家上瀨船

蘇曰古離別曲百丈牽船上水

遲鍾會呼挽船索為百丈今舟人皆呼之趙曰百丈者牽船筏

補注

布曰漢書下瀨將軍註引伍子胥有

下瀨船故反用之又涖涖下瀨師古曰瀨疾流也一本作上水船

未將梅藥驚愁眼更取

椒花媚遠天明光起草人所羨

鄭曰長安志明光殿在東內

肺病幾

時朝日邊

洙曰漢王商借明光殿起草作制誥也相如病肺多渴遂臥疾於茂陵趙曰晉明帝云只

聞人自長安來不聞人自日邊
來其後人遂以日邊為帝都

寒輕市上山烟碧日滿樓前江霧黃負鹽出井此溪女

補注

鶴曰唐志奉節縣有永安井而九域志謂大昌縣有泉鹽井今云負鹽出井此溪女則雲安亦有之

何史第云雲安有鹽官 打鼓發船何郡郎新亭舉目風景切茂陵

老書消渴長

趙曰晉王尊傳洛京傾覆中州士人避亂江左每至暇日遯出新亭散宴周顛中坐

而嘆曰風景不殊舉目有江山之異皆相視流涕惟導
愀然變色曰當共戮力赴復神州何至相對作楚囚泣
耶衆收淚而謝茂 春花不愁不爛熳楚客唯聽棹相將
陵著書乃相如事

即看鷺子入山扉豈有黃鶯歷翠微短短桃花臨水岸

輕輕柳絮點人衣

蘇曰張麗華遊園有柳絮點衣謂後主何能點人衣主曰輕薄物誠卿意

也題曰十二月一日作詩而有燕子桃花之類何也此義在末句所謂他日一盃難強進者也此蓋逆道其事

耳春來準擬開懷久老去親知見面稀他日一盃難強

進重嗟筋力故山違

又雪

永泰元年冬作

補注

馮曰題云又雪而詩又云南雪不到地峽深豺虎騎當是永泰元年冬作若曰大歷

元年則史書是冬無

雪豺虎指崖旰軍

南雪不到地

洙曰風土記云南方無雪

青崖霑未消微微向日薄脉

脉去人遙冬熱鴛鴦病峽深豺虎驕愁邊有江水馬得

北之朝

趙曰言當愁之際觀江水止是朝東安得折入北朝我乘之以歸長安而朝上乎

奉漢中王手札

永泰元年作

補注

鶴曰詩云剖符來蜀道歸蓋取荆門當是王貶蓬州刺史以路梗不得歸京今將出

峽作書報公而公復以此詩詩又云主人留上

客避暑得名園淹泊俱崖口東西異石根當是

王在歸州為太守留度夏而公在雲安也故詩

又云悲秋宋玉宅失路武陵原當是永泰元年

國有乾坤大玉今叔父尊

洙曰王讓皇弟之子代宗之叔父也

剖符來蜀

道歸蓋取荆門

洙曰夷陵有荆門山其狀如關然趙曰謂之取者取道之取也

峽險通

舟過江長注海奔主人留上客避暑得名園

趙曰主人指為郎者

前後緘書報分明饌玉恩補注

布曰左思吳都賦云矜其安居則朱服玉饌古

詩饌玉待鐘鳴唐駱賓王謂威饌曰炊金饌玉

天雲浮絕壁風竹在華軒

趙曰言名

園中已覺良宵永何看駭浪翻

洙曰海賦驚浪雷奔駭水迸集趙曰言秋水稍

定不復見駭浪

入期朱邸雪

洙曰唐制諸侯各置邸京師故有邸吏來邸言邸有朱戶以冬為入

期故言雪朝旁紫微垣

洙曰晉志紫宮垣一曰紫微大帝之坐天子之所居也

枚乘文

章老

洙曰西京雜記枚乘文章敏疾趙曰梁孝王時枚乘在諸文士之間年最高

河間禮樂

存

洙曰漢景帝時河間獻王德武帝時來朝獻雅樂對三雍宮又立博士修禮樂被服儒術

悲秋宋

玉宅

沐曰袁江南賦誅茅宋玉之宅趙曰宋玉宅在歸州

失路武陵源

沐曰見如逢武陵路

詩注

淹薄俱崖口東西異石根夷音迷咫尺

沐曰楚俗語多夷音 鬼

物傍

沐曰一作倚

黃昏

沐曰蕪城賦木魅山鬼昏見晨趨

犬馬誠為戀

沐曰曹子

建表不勝犬馬戀主之情史記丞相翟青曰臣不勝犬馬之心趙曰公又言具有懷君之心

狐狸不

足論

沐曰張綱傳豺狼當路安問狐狸

從容草奏罷宿昔奉清樽

贈崔十三評事公輔

補注

鷓曰詩曰舅氏多人物則評事乃公之舅何以不如他詩云十三舅當有脫字詩又

云且有元戎命入幕諸彥集教練羽林兒當是崔為羽林軍帥屬官梁權道編在永泰元年雲

安詩內然詩云去
帆隨則非雲安作

飄飄西極馬

洙曰漢郊祠歌云天馬來西極

來自渥洼池

趙曰言崔公有天馬之妙

而所從來之遠也漢郊祠歌曰馬生渥洼水中

颯颯定

洙曰一作寒

山桂

師曰定山當作鄧山

鄧林有桂西極馬鄧山桂比崔公之才

低徊風雨枝

趙曰選詩桂枝生自直不宜低徊今桂所

以低徊者風雨之故也以譬崔評事之美材而困於邊微之小官彥輔曰飄音習唐韻云颯颯大風也

聞龍正直道屈爾何為

趙曰如龍之直而怪其屈在僚屬

且有元戎命

洙曰屈道而起謂有元戎之命

悲歌識者

知趙曰元戎節度使也

官聯辭冗長

洙曰

文賦固無取乎冗長鄭曰長直亮切多也師曰時王
思禮為帥表請崔為幕職故云云冗長不急之務也

路洗敬危

洙曰當閣公正之路

脫劍主人贈

洙曰主人指元戎也伍子胥劍贈漁父

去帆春色隨陰沉鐵鳳闕

洙曰陸佐公石闕銘蒼龍玄武之制銅爵鐵鳳之工

教

練羽林兒

洙曰宣帝紀羽林孤兒注天有羽林星林諭若林木之威羽有羽翼擊之意故以名武

官馬百官表取從軍死事者之子養

補注希曰鐵鳳見羽林官教以五兵號曰羽林孤兒

房詩注武德十二年置十三衛同州道為羽林軍垂拱元年置左右羽林軍翎羽林郎六千人乾元間左右羽

林並昇同金吾四衛舊史寶應二年甲申六月以前淮西節度使安州刺史王仲昇為羽林軍大將軍知軍事

仍魚御史大夫寶應二年即廣德元年天子朝侵早雲臺

年至是二年未考仲昇尚知軍事否

仗數移

趙曰言天子多難侵早訓兵練卒故所御非一處而數移雲臺之仗矣

分軍應供

給百姓日支離

洙曰支離言不親

黠吏因封已公才或守雌

洙曰

老子知其雄守其雌趙曰封厚也言貪吏乘之以封已廉吏閔之以柔克也公正美崔公之才守雌柔之道不

乘勢刻削以期於封已則其才為可尚爾

燕王買駿骨

洙曰燕昭王以金帛市駿骨人知好駿馬

不遠千里而來

渭老得熊羆

洙曰見田獵舊非熊注活國名公在補注曰

文選孫楚與孫皓書曰愛民活國俗本多作治國非是南史王廣之子珍國為南譙太守高帝手勅云愛人活

國甚副吾意

拜壇羣寇疑冰壺動瑤碧

洙曰鮑昭清如玉壺冰

野水失

蛟螭

黃曰謂冠賊將就擒也

入幕諸彥集

洙曰別賦捨金閨之諸彥

渴賢高選

宜騫騰坐可致九萬起於斯

趙曰方當渴賢而崔君宜應高選必能騫騰如鳴飛

之九萬里矣黃曰復進出矛戟昭然開鼎彝功與彝會

看之子貴歎及老夫衰豈但江曾決沫曰孟子還思霧

一披沫曰衛瓘見樂廣曰暗塵生古鏡拂匣照西施舅

氏多人物孫曰崔乃子美之舅氏其無慙困翮垂

長江二首

永泰元年作

補注

鷓曰詩云衆水會涪萬瞿塘爭一門朝宗人共挹盜賊爾誰尊按瞿塘在夔州東一

里而雲安在州西百三十里盜賊指崔旰則是永泰元年作是時公在雲安雲安與萬州為鄰

故使君一灘占兩境觀此詩朝宗人共挹萬國奉君心之句殆心乎愛君雖見水而不忘也

衆水會涪萬

涪曰涪萬峽中二郡名

瞿塘爭一門

涪曰瞿塘為三峽之門朝

宗人共挹

禹貢江漢朝宗於海

盜賊爾誰尊

趙曰人以其朝宗所共挹取若盜賊者敢

犯順為不義將

孤石隱如馬高蘿垂飲猿

師曰巴東有灑瀕石高二

十許丈及秋至則繞如

歸心異波浪何事即飛翻

趙曰言波

浪飛翻而流去歸心飛

浩浩終不息乃知東極臨

涪曰一作涪趙曰言水之必東

衆流歸海意

萬國奉君心色借瀟湘闊

趙曰瀟湘在潭州

聲驅灑瀕深

一作沉

未辭添霧雨

趙曰江海不讓衆流以為大雖霧雨之微亦可添益其流

接上遇衣襟

哭台州鄭司戶蘇少監

廣德二年秋作

補注

鶴曰蘇鄭同是廣德二年死詳見八哀詩注考此詩有俗依綿谷異客對雪山孤瘡

瀉殮巴水瘡痍老蜀都蓋廣德元年公在綿梓閬二年以嚴武鎮蜀再歸成都依之故云此詩

當是廣德

二年秋作

故舊誰憐我平生鄭與蘇存亡不重見喪亂獨前途豪

俊何人在文章掃地無羈遊萬里閬凶問一年俱白日

中原上清秋大海隅夜臺當北斗泉路著東吳得罪台

州去時危棄碩儒移官蓬閣後殺貴歿潛夫補注

鶴曰廣德

二年自秋及冬米斗千錢而
二公死詳見八哀蘇公詩下流慟嗟何及銜冤有是夫

道消詩發興心息酒為徒許與才雖薄追隨跡未拘班
揚名甚盛嵇阮逸相須會取君臣合寧詮品命殊賢良

不必展廊廟偶然趨勝決風塵際功安造化鑪補注曰希

莊子以天地為大
爐造化為大冶從容詢舊學慘淡閱陰符擺落嫌疑

久哀傷志力輸俗依綿谷異客對雪山孤童稚思諸子
交朋列友于情乖清酒送望絕撫墳呼虐痢餐色水瘡
瘼老蜀都飄零迷哭處天地日榛蕪

承聞故房相公靈襯自閩州啟殯歸葬東都有作

二首

楷曰房瑄字次律河南人永泰元年作

補注

鶴曰房以廣德元年死於閩州而權瘞于彼二年春晚公有詩別其墓今詩云孤魂

久客間則此詩作於永泰元年是時公在雲安故詩云遠聞又云風塵終不解蓋指其年吐蕃

迴紇黨項
羗軍寇邊

遠聞房太守歸葬陸渾山

洙曰伊洛間有陸渾山昔辛有適伊川見被髮而祭者言

此地當夷後為陸渾之戎所有山因而得名鄭曰十道志山在洛陽趙曰舊本作太守非善本作太尉蓋瑄謫漢州刺史召拜刑部尚書道病卒贈太尉不應呼之為太守也
補注
鶴曰太守作太尉是此詩前公已有

別房太尉墓詩不應今反稱太守若上以漢州太守死則詩又不應言安石竟崇班唐志河南府本洛州有陸渾山按舊史瑄又河南人與東平呂向於陸渾伊陽山中請書廣德元年八月四日卒於閬州僧舍而公有祭文乃是其年九月二十三日末云何當旅櫬得出江雲蓋當時權瘞于寺亦有墓故公又有別太尉墓詩此詩又云他日嘉陵淚仍霑楚水還嘉陵江在果州果與梓閬為鄰楚水夔已下之江也

一德興王後

洙曰同德以興王業也伊尹咸有一德

孤覓久客間孔明多故事

洙曰蜀志陳壽

上言奏故蜀丞相諸葛亮故事扶危國負阻

安石竟崇

不宥德澤被無疆自古以來未之有倫也

班洙曰謝安薨帝三日臨於朝堂賜東園祕器朝服贈太傅謚曰文靜詔府中備凶儀及葬加殊禮依大司馬亘溫故事師曰孔明多故事喻房公奏議可為朝廷典故安石竟崇班喻房公死後竟追賜褒崇之也加移

縣屬閬州他日嘉陵淚鄭曰嘉陵江名仍霑楚水還

丹旄飛飛日

洙曰丹旄銘旌也寡婦賦龍轡儼以星駕飛旄翻以啟路

初傳發閬州

風塵終不解

趙曰時吐蕃未息也

江漢忽同流

師曰風塵終不解言盜賊未息而房

公忽與江漢同遊故嘆惜之

劔動新身匣

趙曰善本作親身方有義

書歸故國樓

蘇曰陳惇故歸故國載書一千卷歸家起樓

盡哀知有處為客恐長休

雲安九日鄭十八攜酒陪諸公宴

永泰元年作

補注

鶴曰案公永泰元年初秋至雲安故除章詩有焉能待初秋之句今詩題云雲安九

日當是其年鄭十七鄭十八兄弟也故後有答鄭十七郎一絕意鄭是雲安人詩云萬國皆戎

馬是年八月僕固懷恩
及吐蕃回紇等入寇

寒花開已盡
菊葉獨盈枝
舊摘人頻異
輕香酒暫隨
地

偏初衣袂

洙曰陶潛身遠地自
偏秋興賦御袂衣

山擁更登危

洙曰風俗
記九日登

高以穰
災厄

萬國皆戎馬
酣歌淚欲垂

答鄭十七郎一絕

大歷元年作

補注

鶴曰詩云把文驚小陸即指其弟鄭十八也詩又云花殘步履遲當是大歷元年春

作公是年春
晚方迂變

雨後過畦潤
花殘步履遲

蘇曰曹植花殘
惜春步履自遲

把文驚小陸

洙曰小陸陸雲蘇曰王融見張充好客見當時洙曰當時文曰子文章如小陸小陸疾而散時鄭莊也

將曉二首

永泰元年作

補注

鶴曰梁權道編在大歷元年雲安詩內然詩云寒沙蒙薄霧落月去清波非春月所

言當是永泰元年冬作

石城除擊柝鐵鎖欲開闢鼓角悲荒塞星河落曉山趙曰

擊柝以言警補注希曰重門擊柝抱關擊柝固不待注夜靜則除之而古樂府木蘭女詩云朔氣傳金柝

寒光照鐵衣則柝亦有金為者夔州有石城乃地名曉一本作曙巴人常小梗洙曰謂

也蜀使動無還

趙曰吐蕃未息所以蜀使輒無還

垂老孤帆色飄飄犯

百蠻補注

鶴曰豈專指段子璋而言謂上元元年劔南東川節度兵馬使段子璋反伏誅乾元元年

劔南西川兵馬使徐知道反伏誅永泰元年劔南西山兵馬使崔旰反殺成都節度使郭英人曰動無還若

趙云吐蕃未息蜀使無還殊不相關飄飄一本作飄颻

軍吏回官燭舟人自楚歌

洙曰項籍傳聞軍中皆楚歌 補注 希曰高

面皆楚歌師古曰為楚人之歌猶言吳敏越吟耳

寒沙蒙薄霧落月去清波壯

惜身名晚衰慙應接多歸朝日簪笏筋力定如何補注

南史沈慶之詩朽老筋力盡徒步歸南國

懷錦水居止二首 大歷元年作

補注 鶴曰詩云軍旅西征僻風塵戰伐多當是

大歷元年在雲安作蓋指吐蕃之亂及張

獻誠柏茂林楊子林共起兵討崔旰是時蜀中
大亂而人心不搖故詩又云猶聞蜀父老不廢

舜謳歌

軍旅西征僻風塵戰伐多 趙曰永泰元年僕固懷恩誘吐蕃等寇奉西京師大震帝

召子儀屯涇陽故曰西征 猶聞蜀父老 洙曰猶一作獨司馬 不忘舜

謳歌 忘無故功洙曰孟子曰謳歌舜 天險終難立 洙曰劍門天設

之險也難立無德不可恃趙曰易曰天險不可升也師曰子美以崔旰亂成都避亂東川然旰雖叛民心未忘

唐室雖據飯門之險終難自立柴門豈重過鄭曰重再也洙曰謂思草堂未可再到朝朝

巫峽水遠逗錦江波洙曰錦江水與巫峽相通

萬里橋南宅百花潭北莊洙曰浣花草堂在萬里橋之南地有百花潭趙曰舊本作

橋南非是蓋公詩又云萬里橋西一草堂百花潭北即滄浪層軒皆面水脩可曰宋玉招羗高

堂遠宇楓層軒老樹飽經霜雪嶺界天白錦城曛日黃洙曰雪嶺錦城

並見上巖中丞詩注惜哉形勝地回首一茫茫洙曰張孟陽劔閣銘曰形勝之地匪

親勿居

子規大歷元年作

補注

鶴曰詩云峽裏雲安縣又云眇眇春風見當是大歷元年作

峽裏雲安縣江樓翼瓦齊兩邊山木合終日子規啼

沫曰

子規社
鶴也

眇眇春風見蕭蕭夜色淒客愁那聽此故作傍

人低

趙曰一本作故傍旅人低非是

立春

大歷元年作

補注

鶴曰詩云巫峽寒江那對眼又云此身未知歸定處當是大歷元年在雲安作

春日春盤細生菜

趙曰齊人月令曰凡立春日食生菜取迎新之意

忽憶兩京

梅發時

趙曰以紀兩京當立春已有菜也

盤出高門行白玉

趙曰行白玉盤也

補注

鶴曰汲黯傳見高門晉灼曰三輔黃圖未央宮中有高門殿鮑宣傳豈徒欲使臣美食大官重高門

之地哉晉灼亦曰殿名公憶為拾遺時

菜傳纖手送青絲

蘇曰東晉李鄩立春日命蘆葍

芹芽為菜盤饋賧江淮人效之古詩云蘆葍白玉縷生菜青絲盤

巫峽寒江那對眼杜

陵遠客不勝悲

趙曰言巫峽傍江地寒那得此菜對眼宜乎其悲也

此身未知歸

定處呼兒覓紙一題詩

漫成一首

大歷元年作

補注

鶴曰詩云船尾跳魚撥刺鳴當是大歷元年自雲安發船下夔州時作

江月去人只數尺

趙曰梁虞寄詩月光移數尺

風燈照夜欲三更沙

頭宿鷺聯拳靜

洙曰一作起題曰聯船尾跳魚撥洙曰一作

跋

刺鳴

洙曰撥刺躍而有聲也夢符曰按張平子賦控飛狐之撥刺弓射喘冢之封豕

南楚

大厯元年作

補注

鶴曰題云南楚又詩云正月蜂相見當是大厯元年在雲安作通典夔州春秋魚國

後屬楚巫山縣乃楚置故雲安亦可言楚

南楚青春異暄寒早早分無名江上草隨意嶺頭雲正

月蜂相見非時鳥共聞杖藜妨躍馬

洙曰藜澤曰吾躍馬食肉四十年亦

足不是故離羣

蘇曰公自言適楚本避地而已非離羣也師曰南地與北異冬反暖春却寒故

有春寒料峭之語杖藜貧賤也躍馬富貴也子美避地而作於貧賤非故意離羣乃不得已也

移居夔州郭

大歷元年作

補注

鶴曰公以大歷元年春晚移居夔州城此當是其時作故詩云春知催柳別

伏枕雲安縣遷居白帝城春知催柳別

趙曰古有折楊柳曲多言離別

也

江與

洙曰一作已

放船清農事聞人說山光見鳥情禹功

饒斷石且就土微平

洙曰沿峽皆因開鑿而成故少平土惟夔州稍平爾

船下夔州郭宿雨濕不得上岸別王十二判官

大歷元年作

補注

鶴曰大歷元年春晚自雲安遷居夔州時作

依沙宿舸船石瀨月娟娟

洙曰謝靈運有回谿石瀨茂林脩竹詩鮑照觀月詩娟娟

似娥眉

風起春燈亂江鳴夜雨懸晨鐘雲外濕勝地石堂

烟

趙曰石堂雙州佳處

柔櫓輕鷗外含悽覺汝賢

趙曰船櫓在輕鷗之外忽忽迷

行不得如鷗之遊漾所以含情而覺鷗之勝我也

入宅三首

大曆二年作

補注

鶴曰公大曆二年移居赤甲按公赤甲詩云卜居赤甲遷居新兩見巫山楚水春知

此詩作於大曆二年春故詩云春色漸多添

奔峭背赤甲斷崖當白鹽

洙曰謝靈運詩孤客傷逝滿徒旅苦奔峭亦甲白鹽覆唐

峽口二山題曰赤甲本岬字按水經注南道基白帝山甚高大其石背赤土人云如人袒胛故謂之赤岬幽白鹽高可千餘丈人見其高大因名之岬曰襄宇記赤甲城公孫述所築樹木土石悉赤如人袒臂故云赤甲在縣北補注希曰十道四州記云其城大雨不可入當時人皆赤甲袒肩而築之故曰赤甲襄宇記云赤甲城是魚復縣舊基故下篇云水生魚復浦

客居媿遷次

洙曰次舍也遷次由移居也

春色

漸多添花亞欲移竹鳥窺新卷簾衰年不敢恨勝繁欲相兼

亂後居難定春歸客未還水生魚復浦

洙曰魚復白帝舊名鄭曰十道

志夔州古魚國漢魚復縣地

雲暖麝香山

定功曰後漢郡國志巴郡魚復古之庸地夔州圖經

麝香山州東南一百五十里山有麝香故以名之補注鶴曰寰宇記云麝香山在秭歸縣東南一百一

十里多麝今於夔州云者武德二年前秭歸屬夔也唐志云武德二年析秭歸縣置歸州故後篇亦言宋玉宅

半頂梳頭白過眉拄杖斑相看多使者一一問函關洙曰

時寇亂未平關中之信未通爾

宋玉歸州宅

洙曰歸州有宋玉宅今亡矣

雲通白帝城吾人淹老病

旅食豈才名峽口風常急江流氣不平只應與兒子飄

轉任浮生

赤甲

大曆二年作

補注

鶴曰詩云兩見巫山楚水
春知是無入宅詩同時作

卜居赤甲遷居新兩見巫山楚水春炙背可以獻天子

趙曰列子宋國有田夫暨春東作自曝於日不知天下
有綿纈狐貉顧謂其妻曰負日之暄人莫知者以獻吾
君將有重賞美芹由來知野人洙曰嵇康書野人有快炙背
而美芹子者欲獻之至尊雖

有區區之意亦已疎矣荆州鄭薛寄書近蜀客却岑非我鄰洙曰
鄭薛

却岑皆公之政舊見於前詩注笑接郎中評事飲病從深酌道吾真師曰

子美以病斷酒今郎中評事深酌勸子美道子美真性嗜此如何不飲甫亦難逆其意而云病從深酌道吾真

補注鶴曰舊注云見於前注初無鄭是江陵鄭少尹薛
是石首薛明府岑是岑嘉州却是梓州郝使君評

事必崔評事公在夔多有詩
與之第未詳郎中為何人

上白帝城二首

大歷元年作

補注

鶴曰寰宇記盛弘之荊州記巴東郡峽上北岸有一山孤特甚峭巴東郡據以為城

注水經云白帝山北緣馬巔接赤甲山其間平處相去八十五丈東西七十丈東傍瀼溪即以爲隍復漢初公孫述據蜀自以承漢土運故曰白帝城當是大歷元年公初至夔時作故云山歸萬古春又云兵戈猶擁蜀指崔旰之變也

江城含變態一上一回新天欲今朝雨山歸萬古春英

雄餘事業

洙曰白帝城公孫述所築後爲劉備屯戍之地

衰邁久風塵

洙曰公自言

取醉他鄉客相逢故國人兵戈猶擁蜀

趙曰乃大歷元年崔旰之叛戰

於梓

賦斂尚輸秦

洙曰時國用不足多賦斂也

補注

鴻曰秦乃時糶備吐蕃之所大

歷二年吐蕃雖遣使來朝終不忘備也

不是煩形勝深慙畏損神

師曰秦謂關中

也時干戈用事國用不足賦斂亡藝惟以煩刑勝之民之輸賦於關中者非其本心也特迫於刑政之煩苛故曰賦斂強輸秦子美慮叛亂未已抵畏奔走而耗損精神也

白帝空祠廟

洙曰公孫述自號白帝

孤雲自往來江山城宛轉棟

宇客徘徊勇畧今何在當年亦壯哉

洙曰述始為王莽導江卒正更始時

起兵討宗成王岑之亂破之遂有蜀土僭立為帝號成家立十二年為光武所誅

後人將酒肉

洙曰凡舟人往來皆祠之 虛殿日塵埃谷鳥鳴還過林花落又開多

慙病無力騎馬入青苔

愁

魯曰強戲為吳體
大歷元年作

補注

鷓曰詩云十年戎馬暗南國又云巫峽
泠泠非世情當是大歷元年夔州作

江草日日喚愁生 巫峽泠泠非世情 盤渦鷺浴

洙曰一作春

底心性 獨樹花發自分明 十年戎馬暗南

趙曰郭璞賦
盤渦谷轉

國 異域賓客老孤城

洙曰自安史亂後天下
草草不安者十餘年

洙曰公本
北人而寓

南國故渭水秦山得見否 人今罷病虎縱橫

洙曰渭水
秦川皆關

中風物也時方罷弊賊寇充斥而未可歸故云得見否
師曰草喚愁生言起歸心也巫峽之水冷冷不斷世情
疎絕非水長流之比也盤渦乃碾碓之水驚浴自得子
美心性亦鷗鷺安閑之比也獨樹花發自分明喻子美
不狗乎流俗也渭水
秦山乃子美故鄉

江雨有懷鄭典設

大歷二年春作

補注

鶴曰詩云岸高濼潯限西東當是大
歷二年春作是年公自赤甲還瀘西

春雨閭閻塞峽中早晚來自楚王宮

鄭曰襄
王政宮
補注
鶴曰
襄字

記楚宮在縣西北二百步在陽
臺古城內即襄王所遊之地

亂波分披已打岸弱雲

狼藉不禁風寵光蕙葉與多碧

趙曰孔雀賦天雨
之施惠於蕙葉

點注

桃花舒小紅谷口子真正憶汝

見谷口但窮耕注

岸高滾滑隈

西東

洙曰滑一作閭夔有澗水出於山谷間謂之滾居人分其左右謂之滾東滾西

雨不絕

廣德二年作

補注

鶴曰詩云院裏長條風乍稀當是廣德二年在嚴公幕中作院裏如蘭院內諸公立秋日院中有作是也梁樞道編在大曆元年夔州作豈非泥行雲莫自濕仙衣之句然行雲字只是假用其字非直指巫山而言殆不考末句不得安流逆浪歸正為欲歸溪上若在夔州作則逆浪歸何所梁亦只據舊次耳

鳴雨既過漸細微映空搖颺如絲飛

洙曰古詩密雨如散絲

堦前

短草泥不亂院裏長條風乍稀舞石旋應將乳子

洙曰湘川

記零陵有石燕雨過則飛如燕子

行雲莫自濕仙衣

洙曰謂高唐神女也朝為行雲暮為

雨行眼邊江舸何急促

舸嘉我切

未得

一作待

安流逆浪歸

崔評事弟許相迎不到應慮老夫見泥雨怯出必

愆佳期走筆戲簡

大厯二年作

補注

鵬曰詩云浮雲不負青春約細雨何孤白帝城又云身過花間露濕好醉於馬上往

來輕非大厯元年初到夔州作蓋是年春晚方遷居不應詩語如此當是大厯二年

江閣要賓許馬迎午時起坐自天明浮雲不負青春色

細雨何孤白帝城
身過花間露濕好
醉於馬上往來輕
虛疑皓首衝泥怯
實少銀鞍傍險行

晝夢

大歷二年作

補注

鶴曰梁權道編在大歷元年夔州詩內然是年公自雲安還若時已是春晚而今詩

云二月曉睡昏昏然當是二年二月作

二月曉睡昏昏然
不獨夜短晝分眠
桃花氣暖眼自醉

蘇曰呂安行鏡湖岸上桃花爛熳謂王恂曰醺得眼醉殷紅泛駐江總詩曰惱殺未歸客桃花醺眼醉

渚日落夢相牽故鄉門巷荆棘底

趙曰不歸之久而生荆棘矣

中原

君臣豺虎邊

題曰言盜賊也王
樂詩盜賊如豺狼

安得務農息戰鬪普天

無吏橫索錢

洙曰時多橫賦暴做也題曰東來軍須
之勢又至於暴橫求索肆為可傷也

熟食日示宗文宗武

大歷二年作
即寒食節也秦人呼寒食為

洙曰熟食日
鶴曰詩
補注 鶴曰詩
云風花

熟食日言其不動烟火預辦熟食物
過節也齊人呼為冷節又云禁烟
白帝城當是大歷二年在夔州作盖元年春晚方
連夔三年正月已下峽梁雅道編在元年恐非

消渴游江漢羈栖尚甲兵幾年逢熟食萬里逼清明

題

補注 鴻曰會要云天寶十
年二月初禮標納火

寒食日更不舉火而冷食其
物故謂之寒食亦謂之熟食
之禁語有鑽燧之文今復寒食並禁火三日以其不動
烟火故先為熟食因以為名漢律惡忘大梁初冒七度

補注杜詩

穀雨今日清明中昂
八度清明今日穀雨
松柏邛山路風花白帝城

四日十道志曰

邛山在洛陽縣北俗以寒食省墻子美先塋在邛而其
身流寓於寒食不得展省故有此句鄭曰案字志邛州

因邛來山為名水經注

邛來山在漁嘉嚴道縣

汝曹催我老回首淚縱橫補注

希曰唐制寒食文武百官有墓塋域在城外并京畿外
者任往拜掃今公有隴墓在洛陽而流落遠方不得拜

掃故因時感傷

至於淚縱橫也

又示兩兒

大曆二年作

補注

鶴曰題云又示則與上篇同時作

令節成吾老他時見汝心

趙曰令節指寒食也

浮生看物變為恨

與年深長葛書難得鄭曰春秋時鄭地今縣屬許州江州涕不禁平聲團

圓思弟妹

蘇曰季湛中秋日登仲宣樓指欄自語似有弔古之恨更值團圓忍不思弟妹共觀耶趙

曰長葛江州必其弟妹所在

行坐白頭吟

趙曰卓文君作白頭吟風相如

補注杜詩卷二十七

欽定四庫全書

補注杜詩卷二十八

宋 黃希 原本

黃鶴 補注

陪諸公上白帝城樓宴越公堂之上

大厯元年作

洙曰越公楊素也有補注鶴曰詩云此堂存古堂在城上畫象尚存

見也當是大厯元年春晚作

此堂存古制城上俯江郊落構垂雲雨

趙曰雲顏而下雨落於空皆有

垂之美荒堦蔓草茅柱穿蜂溜蜜棧缺燕添巢坐接春盃

氣心傷艷藥梢

蘇曰左希登西樓曰艷藥傷客心和風吹薄袂

英靈如過隙

日

見身世白

宴衍願投膠

洙曰古詩以漆投膠中趙曰指公孫就之英靈如過隙而逝亡

駒推注

則今日宴衍當願如以膠投漆結綢繆之好也

莫問東流水生涯未即拋

傷春五首

廣德二年作

師古曰時避

補注

鶴曰詩云巴山春色靜又詩中備言吐蕃陷京代宗出幸之

冠在蜀作

事當是廣德二年在閬州作而梁權道編在廣

德元年綿州作不考代宗幸陝在元年十月而

十月始還京若在元年作何由有春光日自濃之句當是二年無疑楚辭招魂目極千里兮傷

春心故

以為題

天下兵雖滿

趙曰謂廣德元年吐蕃陷京師車駕幸陝

春光

洙曰一作青春

日自濃

西京疲百戰

趙曰吐蕃留京師閻郭子儀軍至驚潰子儀復長安

北闕任羣兇

蘇曰

除符北闕震蕩羣凶若不誅鋤恐逼洛汭趙曰指言程元振魚朝恩之徒

補注

鶴曰唐以鳳翔為西京蓋

至德二載代宗廣德元年吐蕃入剋陷鳳翔以丙子

翔為戰爭之地蒙塵謂代宗幸陝然幸陝乃十月丙子

至十二月即還京矣此詩

關塞三千里

趙曰公在關中望乘輿所在有

云乃春作是廣德二年

烟花一萬重蒙塵清露急

洙曰見至尊尚蒙塵注

御宿

塞之隅矣

且一作誰供補注

鶴曰通鑑上至陝百官稍有至者郭子儀引二十騎自御宿川宿山而東

王延昌曰六軍將士逃潰

殷復前王道

洙曰商之中宗高宗能復前王

道之周遷舊國容

洙曰平王東遷於洛邑

蓬萊足雲氣應合摠從龍

趙曰豈言蓬萊殿乎蓋言羣臣當盡隨駕易雲從龍也雲以比羣臣龍比天子

鶯入新年語花開滿故枝天清

洙曰一作青

風卷幔草碧水

通池牢落官軍速蕭條萬事危

洙曰憂時之心切故於萬事未見其安也

鬢毛元自白淚點向來垂不是無兄弟其如有別離

洙曰

言雖有兄弟而為喪亂阻隔不得相保爾

巴山春色靜北望轉遙迤

洙曰巴山蜀山

也補注

希曰巴與蜀自別巴指梓潼而言也楚辭遠遊載雲旗之遙迤

日月還相關星辰屢合

洙曰一云亦屢

團

洙曰漢天文志五星所行合散犯守陵歷

闕食彗字飛流日月薄
杜韋昭曰星相擊為闕

不成誅執法焉得變危機

洙曰天文

志南宮南四星名執法中端門趙曰廣雅曰榮感謂之
罰星或謂之執法今指榮感而言則指程元振之榮感

也

大角纏兵氣

洙曰天文志大角者大皇帝座廷其
兩旁曰攝提魏都賦奸回內聶兵纏

紫微趙曰京師兵又
滿矣故曰纏兵氣

鉤陳出帝畿

洙曰西都賦周以鉤
陳之位注鉤陳王者

法之主
行宮也

烟塵昏御道

洙曰黃

耆舊把天衣

洙曰一云固
無牽白馬幾

至著青衣蘇曰煬帝幸維陽朝廷耆父把天衣
策不止趙曰父老不欲車駕之行皆牽挽帝衣

行在諸

軍闕

蘇曰漢帝諸軍闕食肆掠
居民趙曰言軍士稀少

來朝大將稀

洙曰吐蕃
陷京師天

子幸陝諸鎮畏程元振魚朝恩
廷所恃者郭子儀一人而已趙曰言藩鎮不朝

賢多

隱屠釣王肯載同歸

洙曰賢者避地自隱於屠釣王能為文王載呂望事否蘇曰寧元自

古賢人哲士或犯關擊析或隱迹屠釣或雜漁樵師曰日月相關星辰合團言天示變異故盜賊與執法者大將之權也不命將以誅之則危機不得息大角艦兵氣言祿山陷京師天王之位尚妖氛所纏繞也釣陳者天子之仗出帝歲言帝出幸者舊把天衣言父老皆攀車駕

再有朝廷亂難知消息真近傳王在洛復道使歸

洙曰一作

通秦

洙曰謂傳者不一也

奪馬悲公主登車泣

洙曰一作哭

貴嬪補注

布曰和政公主下嫁柳渾安祿山陷京師主奪渾馬載車國公主身與渾徒步日百里

蕭闕迷北

上

洙曰漢武行幸雍通回中道遂北出蕭闕迷北上謂東行陝故下句有欲東巡之句

滄海欲東

巡

洙曰秦始皇東巡海上銘石勒功

敢料安危體猶多老大臣豈

洙曰一作

得

無嵇紹血霑屬車塵

洙曰晉書忠義傳紹以天子蒙塵承詔馳詣行在所值王

師敗績於蕩陰百官及侍御莫不散潰唯紹端冕以身捍衛船被害血污御服及事定左右欲浣衣帝曰此嵇侍中血不可去司馬相如諫獵書云犯屬車之清塵師曰吐蕃再陷京城代宗幸陝故云再亂滄海欲東巡言代宗幸陝如始皇之東巡勞民動衆也敢料安危體言朝廷老臣猶多國體未速危也豈無嵇紹血言艱難之際衛帝者豈無忠臣補注希曰漢制大駕八十一乘師義士如嵇侍中者乎補注古曰屬者言具相連續不絕也屬之敬反

聞說

洙曰一作道

初東幸孤兒却走多

洙曰宣帝紀注取從軍死事者之子養羽

林官教以五兵號曰羽林孤兒少壯者今從軍也
趙曰此篇聞官軍逃亡之詩却走退却而走也
補注

鶴曰此詩五首多言出卒然皆追紀當時事如此篇云
間說初東卒孤兒却走多足驗其非當出卒時所作是

時公在閬中故曰巴山殆是巴閬僻遠聞京師事常後
時故廣德二年春方知元年冬事因以發其感憤之意

遂名曰**難分太倉粟**
傷春云
粟曰漢大倉之粟紅虜不可食趙
曰言其既走則雖有太倉之粟而

難與競棄魯陽戈
而揮之日為反三舍趙曰言戈可以
之也

鹿戰而反棄
胡虜登前殿
洙曰吐蕃
為可痛矣
隋京師也
王公出御河
洙曰

也**得無**
洙曰一
作忍為
中夜舞
洙曰晉春秋曰祖逖字士推與
司空劉琨雄豪著名時與琨同

辟司馬州主簿情好綢繆共被而
誰洙曰一
憶大風歌
屢中夜聞雞鳴起舞曰此非惡聲
作宜

洙曰漢高帝作大風歌云大風起兮雲飛揚安得猛士
兮守四方師曰代宗出幸禁軍皆逃竄難分太倉粟言國
用之也競棄魯陽戈言兵敗北也英雄之士於斯時豈
無覲覲如劉琨者故曰得無中夜舞誰憶大風歌言無
人守四方也春色生烽燧洙曰見悲幽人泣薜蘿洙曰謂賢
野爾趙曰幽君臣重脩德猶足見時和洙曰巴閬僻遠
人公自謂也前已敗宮闕傷春罷始知春

暮春題灤西新賃草屋五首

大歷二年作

補注

鶴曰詩云夕嗟三峽客再與暮春期當是
大歷二年在灤西作是年公方自亦甲遭

灤西政詩又云
旅食灤溪雲

久嗟三峽客再與暮春期

惜可曰樂史寰宇記渝州有三峽之名曰西峽巴峽巫峽

明月峽在夔州之西即西峽也

百舌欲無語

趙曰反舌無聲在芒種後十日今謂之欲無語則暮

春之時也師曰百舌江東人謂之信鳥逢春則效百鳥語故名百舌

繁花能幾時谷虛雲

氣薄波亂日華遲戰伐何由定哀傷不在茲

洙曰百舌反舌也禽

名

此郊千樹橘不見比封君

洙曰李衡種甘橘千樹號千頭木奴前漢貨殖傳蜀漢江

陵千樹橘比其人皆與千戶侯等

養拙干戈際全生麋鹿羣

蘇曰陳遂曰幸得全

生於麋鹿羣中盡老矣

補注

希曰潘岳閩中記曰卒孟年七十與麋鹿同遊世謂之鹿仙

畏人

江北草旅食瀼西雲

蘇曰言其客路萍跡無定計也古詩云旅食如閑雲趙曰畏人在於

江北之草間旅食在於瀼西之雲裏公之自嘆也師曰畏人江北草言草動則驚恐蓋伏其中也

萬里

巴渝曲

洙曰前漢禮樂志巴渝鼓員三十六人師古曰巴巴人也渝渝人也當高祖初為漢王得巴渝

人與之定三秦滅楚國存其武樂也巴渝之樂因此始也巴即今巴州渝即今渝州本蜀都之地

三年

寶飽聞

趙曰自永泰元年至今大歷二年為三年矣

補注

鶴曰公以永泰元年五月下忠渝至

夔大歷三年正月出峽今詩題曰暮春題瀼西新賃草屋而詩亦有再與暮春期之句則是大歷二年暮春涉

三甲子改

云三年

綵雲陰復白錦樹曉來青身世雙蓬鬢

趙曰言身已老而雙鬢如蓬矣

乾坤一草亭

趙曰言天地之間有此漢西一草亭也

哀歌時自短

師曰古詩有短

長吟醉舞為誰醒
細雨荷鋤立

蘇曰晁詠因思詩荷鋤立兩中衣濕不自覺人皆愛

其苦江猿吟翠屏

洙曰見眷言終荷鋤并却畧羅翠屏注黃曰陶淵明帶月荷鋤歸

壯年學書劔

洙曰項籍少年學書不成去學劔

他日委泥沙

洙曰言不見用於世

趙曰公自嘆於流落也

事主非無祿
浮生即有涯
高齋依藥餌
絕

域改春華喪亂丹心破

蘇曰辛毗值此喪亂兵戈未定丹心復將改矣

王臣未

一家

趙曰詩所謂率土之濱莫非王臣也

欲陳濟世策已老尚書郎

洙曰見老儒不用尚書郎詩注趙曰公官是尚書工部員

外郎
未息豺虎鬪

洙曰見豺虎正縱橫注
趙曰豺虎以言盜賊

空慙鴛鴦行

洙曰公曾任格
遺籍占朝列

時危人事急風逆羽毛傷落日悲江漢

中宵淚滿牀

承聞河北諸道節度入朝歡喜口號絕句十二首

補注

鶴曰案末篇云十二年來多戰場當是大
歷二年作然此詩十二首非止言一時事

乃是迷安史及吐蕃之亂而歸於李懷仙之能
說諸節度郭子儀之能息其戰伐當逐篇以事
觀之蓋河北自寶應元年史朝議未殲死前諸
鎮已多降者死後無不歸順案舊史李懷仙廣
德元年檢校侍中為幽州節度使子儀二年兼
雲州大都督單于鎮北大都護又無朔方招撫

使故能使河北諸道節度入朝如太原節度使辛雲京以是年來朝是也

祿山作逆降天誅更有思明亦已無

洙曰安祿山史思明補注

安祿山以至德二載為嚴莊所殺史思明未幾又殺安慶緒奪其位乾元二年自稱大聖燕王事見通鑑

洶洶人寰猶不定時時戰鬪欲何須

洙曰時尚有反者

社稷蒼生計必安蠻夷雜種錯相干周宣漢武今王是

洙曰周宣中興漢武雄畧去暴亂如漢武恢復帝業如周宣也

孝子忠臣後代看

趙曰

此篇望諸節度之忠孝如此

喧喧道路多訶謠

洙曰一作好童

河北將軍盡入朝自是乾坤

王室正却教江漢客魂銷

洙曰言亦望朝廷微用也趙曰公因喜諸節度入朝而傷

其流落未可還開朝王魂銷者所以重嘆也

北

洙曰又云不

道諸公無表來茫然庶事遣人猜擁兵相學

干戈銳使者徒勞萬里迴

洙曰吐蕃之亂諸道節度無一人救援者朝廷遣使敦諭

竟不

補注

希曰吐蕃廣德元年入寇代宗自十月徵諸道兵不至柳伉所謂四方叛是也

鳴玉鏘金盡正臣

洙曰西征賦飛翠綬拖鳴玉以出禁門者衆矣趙曰鳴玉鏘金言諸節度

之貴稱為正臣則公豈侍之以忠義耶

修文偃武不無人

洙曰武成云乃偃武修文

王會靜妖氛氣聖壽宜過一萬春

蒼舒曰世說晉武帝問孫皓聞南人好作

爾汝歌頗能為否皓正飲酒因舉觴勸帝歌云昔與汝為鄰今與汝為臣上汝一盃酒願汝壽萬春帝悔之

英雄見事若通神聖哲為心小一身洙曰不從天燕趙下以自奉

休矜出佳麗洙曰古詩燕趙多佳人美者顏如玉宮闈不擬選才人洙曰唐制

才人正二千石趙曰此篇喜諸節度入朝既善其入朝却防其媚悅而獻佳麗故預以為戒才人宮中之爵號

抱病江天白首郎趙曰公晚年為尚書工部員外郎也其字依傍馮唐白首為郎矣空

山樓閣暮春光衣冠是日朝天子草奏何時入帝鄉

澶漫山東一百州韓曰澶漫不恭貌削成如桉抱青丘鄭曰削平也青

丘在青州千乘縣芑茅重入歸闕內王祭還供盞海頭洙曰左傳齊桓

問罪楚國曰爾芑茅不
入王祭不共無以縮酒

東逾遼水北滹沱

洙曰遼水遼東國水也山海經云大戲之山滹沱之水出焉今在饒陽縣

北星象風雲喜共和紫氣闕臨天地闊

趙曰紫氣闕言
玉谷闕也周時

尹喜為闕吏望其有紫
氣云當有聖人入闕

黃金臺貯俊賢多

洙曰燕王置
千金於臺上

以延天下之士
謂之黃金臺

漁陽突騎邯鄲兒

夢符曰後漢世祖克邯鄲置酒高會
從容謂馬武曰吾得漁陽上谷突騎

欲令酒酣並轡金鞭垂意氣即歸雙闕舞雄豪復遣五

陵知洙曰漁陽突騎邯鄲游俠其豪俊勇決古有名稱
矣也五陵漢之五陵亦豪俠所聚之地復遣五陵知

謂復遣為補注 鶴曰原涉傳諸豪及長安五陵諸為氣

王臣也補注 節者皆歸慕之師古曰五陵為長陵安

陵陽陵茂陵平陵也班固西都賦南望杜霸

北眺五陵然則霸陵杜陵不在五陵之數也

李相將軍擁薊門白頭惟有赤心存蘇曰馬援曰吾白

尚存趙曰李相則節度之稱相公將軍則節補注 鶴曰

度之稱將軍者擁薊門乃河北諸道節度矣補注 李相

將軍意是指李懷仙懷仙廣德元年為史朝義偽范陽

節度使因中使駱奉仙請降又遣兵追朝義而縶之代

宗殺以檢校侍中幽州盧龍等軍節使事見舊史并通

鑑幽州有薊縣故云自是與蔣萬田承嗣張忠志等分

河朔而帥之稱蕃臣懷仙大厯三年為其麾下

所殺第未詳何以謂將軍惟有一本作雖老

竟能盡

說諸侯入知有從來天子尊趙曰盡喜說諸侯之入朝

蓋天子從來有至尊之勢

十二年來多戰場天威已息陣堂堂

洙曰孫子堂堂之陣天威天子之威

神靈漢代中興主功業汾陽異姓王補注

鶴曰以代宗宣帝子儀以

寶應元年建邺日為河中朔方等節度使進封汾陽郡王

得舍弟觀書自中都已達江陵今茲暮春月末行

李合到夔州悲喜相兼團圓可待賦詩即事情見

乎詞

大歷二年春作

補注

鶴曰題云今茲暮春月末合到夔州當是大歷二年春作蓋元年暮春方自雲安還

居夔

州

爾到江陵府何時到峽州亂離生有別

修可曰楚詞云悲莫悲於生別

離聚集病應瘳颯颯開啼眼朝朝上水樓
老身須付託

白骨更何憂

喜觀即到復題短篇二首

大歷二年作

補注

鶴曰詩云應論十年事又云終南萬里春則是觀自河南來也公乾元元年冬自華

州之東都二年春尚留自元年至大歷二年恰十年當是大歷二年作

巫峽千山暗終南萬里春

洙曰終南山在長安言去家萬里也

病中吾見

弟書到汝為人

洙曰始為亂離所隔則莫知生死也及書到方知其為人

意答兒童

問來經戰伐新

趙曰西句通義自戰伐中來兒童見泊之必有所問已意其一答之也

船悲喜後款款話

一作

歸秦

待爾嗔烏鵲

沈曰西京雜記鵲噪則行人至

拋書示鵲鷓

趙曰待弟而來起烏鵲之

下實下言喜弟來故拋書示之

枝間喜不去原上急曾經

沈曰詩鷓鷓在原兄弟急

雞
江閣嫌津柳

沈曰嫌其隔望眼也

風帆數驛亭

沈曰數具驛程也

應論

十年事愁絕始星星

蘇曰張禹對鏡悲鬢始變星星趙曰舊本作嫩絕非是星星言鬢之白也

喜聞盜賊蕃寇揔退口號五首

大歷三年作

補注

鶴曰詩云大歷三年調玉燭當是其年作案舊史二年吐蕃九月寇靈州退寇邠州

十月靈州奏破吐蕃二萬京師解嚴通鑑云十月路嗣恭破吐蕃於靈州城下斬首二千餘級吐蕃引去今詩云今春喜氣滿乾坤南北東西拱至尊當是蕃寇二年退而詩作於明年之春故云三年一本作二年而梁權道從而編詩於二年然元年無吐蕃之亂雖新史云九月吐蕃陷原州而舊史通鑑俱不言案志原州廣德元年已陷吐蕃詩又云蕭關隴水入官車唐志蕭關縣在武州九域志隴水縣在隴州而唐志隴州無此縣蕭關與靈州相近正是指吐蕃寇靈州而路嗣恭破之也

蕭關隴水入官車

趙曰蕭關在靈州之傍隴水則隴州之水鄭曰縣屬原州

青海黃

河卷塞雲

洙曰見蕭關達北上并州不見青海頭趙曰青海在西吐蕃之地黃河則自積石而往卷

塞雲則無復戰伐而塞雲卷散也

北極轉愁龍虎氣西戎休縱犬羊羣

師曰蕭關隴水皆秦地北極喻君轉愁龍虎氣言中國氣威胡人愁恐也

贊普多教使入秦

洙曰贊普吐蕃王帥

數通和好止烟塵

洙曰按新史本

傳至德三年吐蕃使來請討賊且修好

朝廷忽用哥舒將殺伐虛悲公主

親

洙曰吐蕃先為哥舒翰所殺不敢近青海趙曰開元末吐蕃金城公主薨遣使來告又因請和明皇不許

以哥舒翰即度隴石輸攻授石堡又擒其相又破洪濟

崆峒西極過崑崙

趙曰崆峒在西郡之西崑崙又在崆峒西極之西詩人廣大言其從化之

地遠也

駝馬由來擁國門逆氣數年吹路斷蕃人聞道漸

星奔

趙曰劉孝標廣絕交論靡不望影星奔

勃律天西采玉河

鄭曰唐西域傳大勃律西與小勃律接

堅昆碧石盤最來

多

夢符曰右按唐書於闐國距京師九千七百里有玉河國人夜視月光咸處州得美玉鄭曰堅昆國在康

居西蔥嶺北趙曰

舊隨漢使千堆寶少答胡王萬匹羅

碧益出堅昆國

趙曰舊日以千堆寶隨漢使入貢而中國所少答者特萬匹羅師曰晉平居海為張鄴使于闐判官作行程記云其國采玉之地玉河在于闐城外其源出崑山西流一千三百里至于闐界牛頭山乃流為三河一曰白玉河在城東二曰綠玉河在城西三曰烏玉河在綠玉河西其源雖一而其玉隨地而變每歲五六月大水暴漲則玉隨流而至至秋水退乃可采人謂之撈玉堅昆亦胡也

今春喜氣滿乾坤南北東西拱至尊大歷三年調玉燭

趙曰爾雅曰時和為玉燭

玄元皇帝聖雲孫

師曰爾雅四時和為通正四氣和為玉燭邢昺

疏曰四時和氣溫潤明照故曰玉燭又釋親孫之子為曾孫曾孫之子為玄孫玄孫之子為來孫來孫之子為舅孫舅孫之子為仍孫仍孫之子為雲孫注言輕遠如浮雲唐以老子為聖祖封玄元皇帝故曰聖雲孫

即事

大歷二年作

補注

鶴曰此詩當是大歷二年暮春作若謂元年則公方自雲安移居於夔其詩云春知

催柳別又阻久雨已非今

花氣渾如百和香之時矣

暮春三月巫峽長

洙曰感弘之荊州記巴州三峽巫峽長

晶晶行雲浮

一作

無日光

鳥胡了切趙曰陶淵明詩云鳥鳥川上平

雷聲忽送千峰雨花氣渾

如百和香

和胡卧切洙曰古詩博山爐中百和香鬱金蘇和與都梁蘇曰解濟遊樂游園云日烘花

氣如百和香惹衣雅然宜數數行樂

補注

希曰漢武帝時月支國嘗進百和香

黃鶯過水翻

迴去燕子啣泥濕不妨飛閣卷簾圖畫裏虛無只少對

瀟湘

趙曰雖眼前之山水如畫圖而其所以虛無只欠少瀟湘為對也

見螢火

大曆二年作

補注

鴻曰詩云巫山秋夜螢火飛當是大曆二年作二年之秋在漢西及東屯居今詩又

云忽驚屋裏琴書冷復亂簾前星宿稀是時已有定居矣

巫山秋夜螢火飛簾踈巧入坐人衣

趙曰言入於坐人之衣也

忽驚

屋裏琴書冷復亂簷前星宿稀却繞井欄添箇箇偶經
花藥弄輝輝滄江白髮愁看汝來歲如今歸未歸

送十五弟侍御使蜀

大厯元年作

補注

鶴曰數五巫峽酒百丈內江船又云未息豺狼鬪蓋指崔旰輩相攻當是大厯元年

喜弟文章進添余別興牽數盃巫峽酒百丈內江船

珠曰

水自消上合者謂之內江自渝由戎瀘上蜀者謂之江外

未息豺狼鬪

戰爭

空催犬馬

年珠曰以自稱其年故從卑賤晉陶侃臨終上表曰臣猶為犬馬之齒故尚可少延

歸朝多便

道搏擊望秋天

洙曰使道間道也田曰舊唐史栢彥範舉楊崎為御史崎不樂搏擊之任師曰

御史之擊搏姦回如

鷹逢秋擊搏鳥獸

暮春

大歷元年作

補注

鶴曰詩云卧病擁塞在峡中當是大歷元年初造夔州時作蓋公在雲安已卧病矣

卧病擁塞在峡中瀟湘洞庭虛映空

趙曰言瀟湘洞庭虛在彼處映空而

我卧病於此不得見之也

楚天不斷四時雨

蘇曰蜀邛樊山後四時常無晴日梁益稱為漏

天古詩地近漏天經歲雨

巫峽長吹千里風

洙曰巫峽多風

沙上草閣柳新

暗城邊野池蓮欲紅暮春鴛鴦立洲渚挾子翻飛還一

叢

趙曰叢聚也言鴛鴦與子叢聚也

晴二首

大曆元年作

補注

鶴曰詩云久雨巫山暗當是大曆元年初到夔州時作公方遷居時有雨濕不得上

岸又有雨

不絕詩

久雨巫山暗新晴錦繡文

洙曰江山清明風物鮮麗若錦繡也

碧知湖外

洙曰一

草

趙曰洞庭湖之外

補注

希曰湖外草非指青草湖而言止是見巫

山之文如錦繡因以知湖草之碧耳加一知字可明其非見也

紅見海東雲

趙曰言日出之處紅

也雲竟日鷺相和摩霄鶴數羣野花乾更落風處急紛紛

啼鳥爭引子鳴鶴不歸林下食遭泥去高飛恨久陰雨

聲衝塞盡日氣射江深迴首周南客

洙曰太史公留滯周南

驅馳

魏闕心

洙曰天子之門兩閣謂之象魏夢符曰呂氏春秋曰中山公子牟謂詹子曰身在江海之上心

居魏闕之下奈何

雨

大歷元年作

補注

鶴曰詩云干戈盛陰氣未必自陽臺當是指崔旰拍茂林楊子琳輩相攻大歷元年

作

始賀天休雨還嗟地出雷

洙曰雷出地奮豫

補注

希曰既雨而雷乃陽縱陰

盛之證故干戈不息詩云蛟龍關不開當驟看浮洙曰一作

巫峽過密作渡江來牛馬行無色洙曰秋水篇不辨牛馬蛟龍關

不開干戈盛陰氣蘇曰月令天地不時陽衰陰盛君弱臣強即生兵戈未必自陽

臺洙曰因陰氣盛而多雨非必來於陽臺也陽臺謂暮為行雨

月三首

大歷二年作

補注鶴曰當是大歷二年作然三首非一時而成以其俱在夔作故題曰三首梁權道編

在元年然第二篇云羈棲秋裏見二十四迴明蓋公自永泰元年秋至雲安及今二年秋為二

十四迴明也然第三首云萬里瞿塘峽春來六上強則是三月詩故云非一時而成

斷續巫山雨天河此夜新

珠曰天河銀漢

若無青嶂月愁殺白

頭人

蘇曰李愬隱首陽山中秋夕搗酒友人曰若無明月豈不愁人也

颺颺多

珠曰一作移

深樹

珠曰月明則颺颺逃故多深樹

蝦蟆動半輪

珠曰月中有蝦蟆白兔

故園

當北斗

珠曰北斗辰極也公家在長安趙曰說者謂長安上直北斗

直想照西秦

併照巫山出新窺楚水清補注

希曰舊史志云巫山漢巫縣屬南郡隋加山字

以巫山峽為名舊治巫子城新史志云巫山縣有巫山夔本春秋魚國後屬楚有楚宮水故謂之楚水

栖愁見裏

珠曰一作愁裏見

二十四迴明

趙曰指言在夔歷望夜凡二十四迴也

必驗升沉體

珠曰以具朝暮也

如知進退情

珠曰謂不違弦望

不違銀

漢落

洙曰鮑明遠詩夜移衡漢落

亦伴玉繩橫

洙曰謝靈運詩玉繩低建章趙曰玉繩星

合凡夜深則玉繩低

補注

布曰春秋元命苞玉衡南兩星為玉繩星

萬里瞿塘峽

洙曰一作月

春來六上弦時時開暗室

趙曰言在夔州

凡六見上弦也

故故蒲青天爽合風襟靜高當淚臉懸

趙曰公以羈旅

在外傷時感舊也

南飛有烏鵲

洙曰古詩月明星稀烏鵲南飛

夜久落江邊

園

大曆二年作

補注

鶴曰詩云畦蔬繞茅屋自足媚盤餐當是大曆二年夏居瀘溪時作故詩又云碧溪

關 搗 艇

仲夏多流水清晨向小園碧溪搖艇闕

蘇曰何遜京口詩云碧溪水色

闕搖艇
煩舟子

朱果爛枝繁始為江山靜終防市井喧畦蔬繞

茅屋自足媚盤飧

趙曰媚宜也左
傳盤飧加璧

歸

大曆二
年作

補注

鴻曰詩云東西却渡船當是指
讓東西而言乃大曆二年作

東帶還騎馬東西却渡船林中才有地峽外絕無天

洙曰

夔州居山水間在峽中故號為稍平趙
曰若盧全詩低頭雖有地仰面若無天

虛白高人靜

洙曰

莊子謂虛
室生白喧卑俗累牽

洙曰喧卑賈錡貌以俗累之牽
人者如此趙曰鮑明遠舞鶴賦

歸人家他鄉悅遲暮不敢廢詩篇
之喧卑

諸葛廟

大歷二年作

補注

鴻曰詩云久遊巴子國屢入武侯祠當是大歷二年而梁權道編在元年恐非

久遊巴子國

程曰寰宇記夔州春秋時夔子國後為楚地秦滅楚置郡即為巴郡

屢入武

侯祠竹日斜虛寢溪風蒲薄帷君臣當共濟賢聖亦同

時翊戴歸先主并吞更出師

洙曰翊戴言輔翊尊戴劉氏也并吞謂出師表有并

吞中國之志

蟲蛇穿畫壁巫覡醉蛛絲

覡研歷切夢符曰右按前漢志民之精與

不二齊肅聰明者神或降之在男曰覡在女曰巫使制神之處位為之牲器以見廟樊巫覡醉於蛛絲中也

歛憶吟梁父躬耕起未遲

洙曰亮耕南陽作梁父吟
趙曰舊本作也未遲非

暨子至

大厯二年作

補注

鶴曰詩云暨子即阿段公嘗遣同女奴阿稽往問刈稻及有示獠奴阿段者猶今之

小奚也當是

大厯二年作

檀梨且

洙曰一作繞

綴碧

檀莊加切

梅杏半傳黃小子幽園至輕

籠熟柰香補注

希曰柰有二種潘岳賦所謂二柰曜丹白之色也

山風猶滿把

野露及新嘗敬枕

洙曰一作敬寄

江湖客提攜日月長

趙曰暨子所攜

來之熟柰正欲寄遠而道路長阻費時日也師曰
壺中日月長攜持日月長攜壺以將柰之

舍弟觀歸藍田迎新婦送示二首

大歷二年作

補注

鶴曰詩云汝去迎妻子高秋念却迴又云滿峽重江水開帆八月舟此時同一醉應

在仲宣樓是大大歷二年夏作

汝去迎妻子高秋念却迴即今螢已亂好與鴈同來東

望西江水

趙曰舊作水善本作永是蜀江謂之西江公欲泛舟南下以楚之上游而西江之盡處在

其東故東望其永詩江之永矣不可方思彦輔曰水當作永

南游北戶開

趙曰成南游則見北

戶之開吳都賦云開北戶以向日

卜居期靜處會有故人杯

蘇曰郭林宗曰吾當

北居靜處期友人野酌故浪趙曰卜居靜處當有故人之來

楚塞難為路

洙曰一作別

藍田莫滯留衣裳判白露鞍馬信

清秋滿峽重江水開帆八月舟補注

希曰重江謂江非一如北江中江大

江之水皆自峽下荆州故云

此時同一醉應在仲宣樓

趙曰王粲字仲宣劉表時

在荆州田登樓而作賦其後指荆州樓為仲宣樓

季夏送鄉弟韶陪黃門從叔朝謁

從才用切大厯元年

補注

鶴曰詩云比來相國兼安蜀當是杜鴻漸大厯元年為劔南節度二年歸朝韶陪從

其歸黃門謂鴻漸以黃門侍郎同平章事鎮蜀唐志龍朔二年改黃門侍郎曰東臺侍郎乾元

元年又曰黃門蓋漢有給事

黃門侍郎晉有黃門侍郎

令弟尚為蒼水使

趙曰吳越春秋禹登衡岳以祭夢見赤繡衣男子稱玄夷蒼水使者曰聞

帝使文命于斯故來候之

名家莫出杜陵人

洙曰杜陵有南北杜最為名家比來相

國蕪安蜀

洙曰鴻漸以相國入蜀平崔旰之難尋表旰為節度使還朝

歸赴朝廷已

入秦捨舟策馬論兵地

趙曰以同行二人所以可論兵矣

拖玉腰金報

主身

洙曰西征賦拖鳴玉以出入禁門腰金帶也鄭曰拖託何切曳也

莫度清秋吟蟋

蟀

洙曰潘安為黃門作秋興賦云蟋蟀鳴乎軒屏

早聞黃閣畫麒麟

趙曰漢武帝畫功臣

於麒麟閣上也師曰時崔旰成都作亂杜鴻漸以黃門侍郎領相職入蜀平其亂遂還朝故有相國安蜀歸朝入秦之語昔潘安為黃門作秋興賦云蟋蟀鳴乎軒屏子美勉鴻漸莫空度時節淹留於蜀早歸論功畫家於

麒麟
問也

熱三首

大曆元年作

補注

鶴曰詩云十年可解甲當是大曆元年在夔州作蓋祿山天寶十四載十一月及其

亂方息而吐蕃又入寇至是凡十年又詩語不及漢漢也

雷霆空霹靂雲雨竟虛無
炎赫衣流汗低垂氣不蘇
乞

為寒水玉願作冷秋菰

華曰寒水玉水精也菰蒲也成於冷秋二物皆涼故願為之

何似兒童歲風涼出舞雩

洙曰冠者五六人童子六七人浴乎沂風乎舞雩詠而歸

瘴雲終不滅

師曰瘴雲乃炎瘴之雲

瀘水復西來

洙曰瀘龍都切孫曰瀘水出瀘

州屬補注

鶴曰唐志萬州云又經菁口會川四百三十里至河子鎮城又三十里渡瀘水姚州下云

自雋州南至西瀘經陽蓬鹿谷菁口會川四百五十里至瀘州乃南渡瀘水即孔明所渡者孫謂出瀘州則非

殆水經

閉戶人高卧

蘇曰黃起雨中見竇朴朴家貧拊其州耳

蓬門高卧長嘯自若起歎曰表安

卧雪人俱稱賢實夫子

歸林鳥却迴

趙曰人高卧而但睡鳥不安而又飛

以見其熱之甚矣

峡中都似火江上只空雷想見陰宮雪風門

颯踏開

孝祥曰宮中暑月積雪為山取其陰涼

朱李沉不冷雕胡炊屢新

洙曰魏文帝書浮甘瓜於清泉浸朱李於寒水沈休文長

袂屢以拂雕

將衰骨盡痛被褐

洙曰一作獨

味空頻

趙曰唱音於歌

夏傷暑也夏禹崩
時武王亦崩焉

歟

許律反

翕炎蒸景颿颿征伐人十年

可解甲為爾一霑巾

洙曰憫其經寒暑而不得休息也
蘇曰孫約征伐十年不解甲兵師

曰雕胡即菰米被褐言其賤也身賤而味重
併多此寧不傷征伐者十年不得解甲乎

返照

大歷二年作

補注

鶴曰詩云楚王宮北正黃昏又云不可久
留豺虎亂當是大歷二年作豺虎謂楊子
琳之徒攻擊未已
也明年春果下峽

楚王宮北正黃昏白帝城西過雨痕返照入江翻石壁

歸雲擁樹失山村

趙曰如鮑照詩
霧失交何城

衰年肺病唯高枕絕

塞愁時早閉門不可久留豺虎亂

蘇曰然寧與子祝書曰晉地豺虎正亂不

可久留連鞭馬

南方實有未招龜

趙曰公自言也客於南楚龜龜飛越實為

來關中甚佳

未招補注

鶴曰公屢以諸鎮之強比豺虎是時瀘州刺史楊子琳攻崔旰未已公潛其將變故云明

年果陷成都殺夔州別駕張忠因楚辭招魂云

魂兮歸來南方不可以止故用其語以自喻

示獠奴阿段

鄭曰獠魯咬切大歷元年作

補注

鶴曰獠奴乃公之隸人也前所謂豎子阿段者公有引水詩乃大歷元年作此亦其

時作

也

山木蒼蒼落日曛竹竿裊裊細泉分

洙曰以竹引水也

郡人入

夜爭餘瀝

趙曰以筒引水其水涸塞不通故即人止爭餘瀝耳

稚子尋源獨不聞

病渴三更迴白首

趙曰惟阿段者獨能尋源修筒水而至焉公有渴疾賴此水為多

傳

聲一注濕青雲

趙曰以修筒之後水來之聲自傳聞矣

曾驚陶侃胡奴異

惟爾常穿虎豹羣

洙曰此詩全章皆引泉事惟陶侃胡奴傳記不錄蘇曰侃得胡奴甚不喜

語言常默坐侃一日出郊執鞭隨之胡僧見而驚禮曰此海山使者也因念墮下侃異之至夜失其所所在師曰此詩乃命獠奴以竹引水以濟病渴常穿虎豹羣言入山以理水筒也

簡吳郎司法

大歷二年作

補注

鶴曰詩云有客乘舸自忠州遣騎安置濱西頭又云風江颭颭亂帆秋蓋公大歷二

年秋自漢西遠東也故以草堂借吳郎也當是大厯二年作

有客乘舸自忠州遣騎安置漢西頭

洙曰前詩注所謂漢東漢西者

古

堂本買藉踈豁借汝遷居停宴遊

趙曰借吳司法自舟中遷來以居停宴遊

雲石熒熒高葉曉

洙曰一作曙

風江颭颭亂帆秋却為姻婭

過逢地

夢符曰按爾雅婦父母婿之父母相謂為婚姻兩婿相謂為亞注詩云瑣瑣姻婭今江東人呼

同門為僚婿

許坐曾軒數散愁

又呈吳郎

大厯二年作

補注

鶴曰詩云堂前撲棗任西鄰無食無兒一婦人當是西鄰有寡婦困窮者告吳郎使

聽其竊園利也
同前篇一時作

堂前撲棗任西鄰

夢符曰按漢王吉傳東家棗垂吉避其妻取棗啖吉吉知去婦鄰人欲伐

樹吉乃還婦里語曰東家棗完去婦復還趙曰公舊嘗見有撲棗者矣今告吳郎以任從之無食無


兒一婦人不為困窮寧有此蘇曰東哲赴孝康舉謂友人曰不為養親困窮寧有

此態祇緣恐懼轉須親趙曰言探斯婦之情乃困窮所致又告吳郎當念其恐懼宜更

親即防洙曰一作知遠客雖多事使洙曰一作便挿䟽籬却甚真

趙曰言雖任鄰婦取棗然吳郎以遠方來當謹籬籬以防他寇亦不害為真耳已訴徵求貧到

骨正思戎馬淚盈巾



補注杜詩卷二十八